

النحو بالعامية

الوحدة الأولى

- افكر إن همزة القطع بترسم فوق الألف أو تحت الألف في أول الكلمة اسم أو فعل أو حرف.
- وبتيجي في الأسماء كلها ما عدا التسعة اللي لازم نحفظهم **(ابن - ابنة - امرؤ - امرأة - اثنتان - اثنتان - ايم - ايمن - اسم)**.
- وبتيجي في كل الحروف ما عدا **(أل)** حرف التعريف اللي بيجي في أول الأسماء وفي الفعل الماضي الثلاثي والمصدر بتاعه والرباعي كله ماضي وأمر ومصدر.
- افكر إن ألف الوصل بتيجي الألف بدون رسم الهمزة **(ا)**.
- في الأسماء التسعة وفي أمر الثلاثي وفي الخماسي والسداسي كله ماضي وأمر ومصدر وفي **(ال)** حرف التعريف اللي بيجي في أول الأسماء.
- لو قالك استخرج مصدر مبدوء بألف وصل دور على الخماسي **(انفعال - افتعال - افعال)** أو السداسي **(استفعال - استفعلة - افعلال)**.
- لو قالك استخرج مصدر مبدوء بهمزة قطع دور على الرباعي **(إفعال - إفعلة)** أو الثلاثي **(ثلاثة حروف أولهم (أ) ذي : أمر - أكل - أثر - أيضاً - أمل - أخذ)**.
- ألف المد **(آ)** همزة قطع.
- **(ال)** حرف تعريف مستقل بذاته.
- أي مضارع مبدوء بهمزة نقول همزة قطع وملكش دعوة هو ثلاثي ولا رباعي ولا خماسي ولا سداسي.
- افكر أن **(ل)** الشمسية تسمى مدغمة والقمرية تسمى مظهره والشمسية بنضعف الحرف اللي بعديها السعادة والقمرية بتظهر ونحط عليها سكون الغابة.
- والحرف اللي بيجي بعد **(ال)** القمرية هي حروف جحا غبي فك مخه وقع.
- ألا اللي همزتها من فوق **(أن + لا)** والمضارع بعديها منصوب و**(لا)** اللي همزتها من تحت **(إن + لا)** واللي بعديها مضارع مجزوم فعل الشرط أو جواب الشرط.
- كلمة عمرو بتكتب بالواو وهي مرفوعة أو مجرورة وتتحذف الواو والكلمة منصوبة **(عمراً)**.
- ثم بالفتح ذي **(ثمة)** ظرف مكان بمعنى هناك وثم بالضم ذي ثمت حرف عطف للترتيب والتراخي يعني فترة زمنية **(بطء يعني)**.
- التاء المربوطة **(ة)** بتيجي في الأسماء وتنطق تاء في الوصل وهاء في الوقف يعني لما تبقى آخر حرف نطقه.
- التاء المفتوحة **(ت)** بتيجي في الأسماء والأفعال والحروف **(لعبت - ثمة - أمهات)** وتنطق هاء في الوقف والوصل.

- الهاء الي في آخر الكلمة ممكن تبقى حرف أساسي مثل **(شبيه أو أفواه)** ويمكن تبقى ضمير متصل ذي **(ربه)** وتنطق هاء في الوقف والوصل.

- الواو في الأسماء الجمع اسمها واو الجمع ودي علامة إعراب ذي **(مسلمون)** وفي الأفعال ممكن تبقى أصلية ذي **(ينمو)** ويمكن تبقى واو جماعة ضمير يعني ذي **(يسمعون)**.

- واو الجماعة لما تدخل على فعل معتل الآخر بتحذف حرف العلة:

- يدعو	يدعون	(يدعون)	لعدم التقاء ساكنين
- يجري	يجريون	(يجرون)	لعدم التقاء ساكنين

وعشان كده بنشيل **(ن)** الميزان فيدعون على وزن يفعون ويهتدون **(يفتعون)** وهكذا.

- **(ن)** النسوة ما بتعملش حاجة في الفعل يعني يفضل ذي ما هو:

- يدعو	يدعون	يجري	يجرين
--------	-------	------	-------

- وعشان كده **(ن)** الميزان بتفضل ذي ما هي **(يدعون)** يفعلن **(يفعلن)** يجرين **(يفعلن)**

- الهمزة الي بعد الألف في آخر الكلمة وبعدها ضمير بترسم حسب الإعراب فلو الكلمة مرفوعة ترسم على واو **(أسماءه)** ولو منصوبة ترسم على السطر **(أسماءه)** ولو مجرورة ترسم على نبرة **(أسمائه)**.

- خلي بالك من سؤال صوب الخطأ وخاصة في رسم الهمزة الي بعدها ضمير وهمزة القطع وألف الوصل.

اسم الفاعل وصيغة المبالغة وإعمالهما

- قولنا اسم الفاعل مشتق يعني مأخوذ من فعل بيدل على من قام بالفعل **(معمد كاتب الدرس)** يعني هو الي عمل الكتابة.

- يبجي من الفعل الثلاثي على وزن **(فاعل)** يعني بنزود ألف بعد الحرف الأول وبنكسر ما بعد الألف **(عمل عامل)**

- الفعل الأجوف يعني الي في النص ألف **(قام)** لما بنزود ألف بنحول ألف الفعل همزة **(قام)** قائم.

- الفعل الناقص الي آخره حرف علة **(دعا - مضى)** لما بنزود ألف بنحول حرف العلة ياء **(داعي - ماضي)** ويمكن نحذف

الياء ونعوض بكسرتين **داع ماضٍ**

- الفعل المهموز الي أوله همزة **(أخذ)** لما بنزود ألف بيبقى **(أأ)** بتكتب **(أأ)** **(أأخذ)**

- الفعل المضعف الي حرفين والثاني عليه شد **(ضلل)** لما بنزود ألف وما بنكسرش التضعيف **(ضال)** ذي خاص - عام -

شاب - هاد - ماد - مار - باش

- إمتى اسم الفاعل بيعمل عمل الفعل؟

- إذا كان معرف بـ **(ال)** بيعمل بدون شروط ثاني **(الله هو الخالق بشراً)**.

- لما يكون بدون **(ال)** لازم يدل على حال أو استقبال يعني ما فيش ظرف ماضي في الجملة **(أمس - السنة الماضية - الليلة -**

البارحة - في الشهر الماضي ..)

- ولازم يعتمد على (مبتدأ أو نفي أو استفهام أو موصوف).

يعني إيه اعتمد على مبتدأ؟

- يعني اسم الفاعل يبقى خبر سواء خبر عادي أو خبر لإن أو لكان

- الله غافرُ ذُنوبنا - إنه راحمُ الناس - وكان الله غافراً خطايا.

يعني إيه اعتمد على موصوف؟

- يعني جه نعت أو حال

أحب رجلاً ناصحاً غيره أحب الرجل ناصحاً غيره

المعمول إيه هو؟!

هو الفاعل أو المفعول اللي بييجي بعد اسم الفاعل

هذا عمل واضح أثره قدمها كده؟ فاكرو؟

نفعت تبقى إيه؟ تبقى فاعل مرفوع

أحب الرجل ناصحاً غيره قدمها كده؟ ما نفعتش

تبقى إيه؟ مفعول به منصوب

- المعمول اللي هو الفاعل أو المفعول يسد مسد الخبر في الإعراب ودي معلومة مش مهمة يعني تفهم مش مفيدة في الحل.

ما مقصر أبوك

ما : حرف نفى مبني لا محل له من الإعراب.

مقصر : مبتدأ مرفوع وعلامة رفعه الضمة.

أبوك : فاعل مرفوع وعلامة رفعه الواو.

- ومفيش خبر لأن الجملة كمل معناها ومش محتاجة خبر خلاص.

- اسم الفاعل العامل هو المنون بس ودا اللي بيتعرب الي بعده فاعل أو مفعول.

- لو مش منون مش عامل والي وراه مضاف إليه وهو لو احتاج المعلوم دي في السؤال لازم ينونه فمتخافش.

- أوعى تنسى الأفعال الي بتنصب مفعولين (ظن - حسب - زعم - خال - علم - وجد - رأى - جعل - منح - وهب

حبا - أعطى - ألبس - كسا - حرم - منح - سأل - اتخذ - اعتبر)

- هاتلاقي اسم الفاعل بتاعها ليه فاعل ومفعولين

أمعطي الله الناس خيراً؟

الله: فاعل الناس : مفعول به أول خيراً: مفعول به ثان.

- صيغ المبالغة على خمس أوزان (فعول - فعيل - فعال - مفعال - فعل).

- بتعمل صيغ المبالغة ذي اسم الفاعل بالضبط

الله غفور ذنوبنا.

ذنوبنا : مفعول به منصوب

العلم عظيم أثره

أثره: فاعل مرفوع.

الله معطاء الناس النعم

الناس: مفعول به أول منصوب

النعم: مفعول به ثان منصوب

اسم المفعول وإعماله

١- اسم المفعول مشتق من الفعل المبني للمجهول يعني خلي بالك لما تجيب فعله لو طلبه منك تخلي مبني للمجهول ضم أوله واكسر ما قبل آخره لو ماضي **(فَتَحَ) (أَعْتَمَدَ)** ولو مضارع ضم أوله وافتح ما قبل آخره **(يُفْتَحُ) (يُصَام) (يُبَاع) (يُسْتَفَاد) (يُسْتَجَاب)**.

٢- يصاغ من ثلاثي على وزن **(مفعول)** يعني دور في الكلمات الي أولها ميم مفتوحة وقبل الآخر واو **(موضوع) (مشهود)**.

٣- لو ملقش دور على الأشكال الشاذة الي شبه **(مصون - مبيع - مدعو - محمي)**.

٤- خلي بالك من وزن مصون **(مَفْعَل)** ومبيع **(مَفْعِل)**.

٥- من غير ثلاثي يبقى أوله ميم مضمومة مفتوح ما قبل الآخر **(مستجاب - معتمد - مهذب)** يعني الثلاثي ميم مفتوحة وغير الثلاثي ميم مضمومة.

٦- اسم المفعول يعمل عمل فعله المبني للمجهول يعني يرفع نائب فاعل دايماً ولو من الأفعال التي تنصب مفعولين تلاقيه يرفع نائب فاعل وينصب مفعول به.

ما مهذب (أخوك)

أخوك: نائب فاعل مرفوع وعلامة رفعه الواو.

لأن مهذب من فعل عادي مش ينصب مفعولين

لكن ما معطى الفقير حقه.

هتلاقي الفقير: نائب فاعل مرفوع.

وحقه: مفعول به ثان منصوب.

- خلي بالك لو نائب الفاعل اتقدم يبقى بعد اسم المفعول مفعول به ثاني

الفقير معطى حقه

- **حقه:** مفعول به ثان منصوب.

- ونائب الفاعل ضمير مستتر.

- خلي بالك نائب الفاعل ممكن يبقى ضمير مستتر الرجل مهذب

- اسم المفعول بيعرب حسب موقعه يعني مهذب في الجملة الي فاتت **(خبر مرفوع)**.

اسم التفضيل

- لو عايز تستخرج اسم تفضيل تدور على كلمة على وزن أفعل زي (أفضل - أبعد - أشد - أقوى) أو وزن فعلى زي (كبرى - صغرى - عليا - دنيا)

- يعني حالة اسم التفضيل؟ يعني شكله في الجملة هل فيه (ال) ولا بعده مضاف إليه ولا مافيهوش الاثنين دول.

- لما تلاقي اسم التفضيل ما فيهوش (ال) وما فيش بعده مضاف إليه تقول عليه (مجرد من (ال) والإضافة) حتى لو وراه تمييز ما هو التمييز ما يهمش هنا ذي (محمد أفضل علماً منك أو أحمد أفضل منك).

- لما تلاقي اسم التفضيل بعده نكرة تتعرب مضاف إليه ذي (أنت أفضل صديق) بنقول دا مضاف إلى نكرة.

- لما تلاقي اسم التفضيل أوله (ال) بنقول معرف بـ(ال) زي (أنت الأقرب إلى قلبي).

- لما تلاقي اسم التفضيل بعده مضاف إليه معرفة (ضمير - ال - اسم إشارة - علم - اسم موصول - مضاف إلى معرفة).

بنقول مضاف إلى معرفة بص كده

(أنت أفضل الأصدقاء) (أنت أفضل هؤلاء) (أنت أفضلهم).

(أنت أفضل الذين عرفتهم) (أنت أفضل زملاء العمل).

- كل حالة أو شكل لاسم التفضيل وليها حكم في التثنية والجمع.

- يعني اسم التفضيل لما يكون مجرد من (ال) والإضافة (يلزم الأفراد والتذكير) يعني ما بيتغيرش (أنت أفضل - أنتما أفضل - أنتم أفضل - أنت أفضل).

- لما يكون (مضاف إلى نكرة) برضه يلزم الأفراد والتذكير (أنت أفضل صديق) (أنتما أفضل صديقين) (أنتم أفضل أصدقاء).

- لما يكون (معرف بـ (ال)) هو ذا اللي يطابق المفضل في العدد والنوع يعني يتثنى ويتجمع:

(أنت الأفضل) (أنتما الأفضلان) (أنتم الأفضلون).

(أنت الفضلى) (أنتما الفضليان) (أنتن الفضليات).

- خلي بالك من اللي فيه (ي):

(أنت الأعلى) (أنتما الأعلىان) (أنتم الأعلىون)

(أنت العليا) (أنتما العلياان) (أنتن العلياات)

- لما يكون (مضاف إلى معرفة) يجوز أن يلزم أو يطابق (أنت أفضل الناس) - أنتما أفضلا (أفضل) الناس - أنتم أفضلو (أفضل) الناس.

- خلي بالك من شروط اسم التفضيل هي نفس شروط فعل التعجب:

- الفعل يكون ثلاثي (تلت حروف).

- (مثبت) ما فيش قبله نفي. - (تام) مش من كان وأخواتها.

- (متصرف) يعني يجي منه الماضي والمضارع والأمر.

- (قابل للتفاوت) يعني معناه يقبل المقارنة. - (مبني للمعلوم) يعني الفاعل معروف.

- (لا يدل على لون أو عيب أو حلية) عيب ذي أقرع أعرج وحلية زي أشقر.

- لو توافرت الشروط في الفعل نجيب اسم التفضيل مباشرة (على طول) حسن تبقى أحسن أنت أحسن الناس.

- لما يكون غير ثلاثي أو يدل على لون أو عيب أو حلية بنجيب اسم التفضيل بطريقة غير مباشرة يعني اسم تفضيل مناسب من عندك وتحط بعده مصدر الفعل اللي مش متوافر فيه الشروط ذي :

- (أخضر) الحديقة أجمل خضرة

- (انتصر) الجيش المصري أعظم انتصاراً.

- لما يكون منفي أو مبني للمجهول بنجيب نفس الطريقة بس مصدر مؤول.

- (لا يكذب) الرجل أفضل ألا يكذب.

- (يهان) الحقير أفضل أن يهان.

- الناقص والجامد وغير القابل للتفاوت ما ينفعش نجيب منهم اسم التفضيل خالص.

- اسم التفضيل السماعي (خير - شر) وفيه (حب) بس دي زيادة.

- اسم التفضيل بيتعرب حسب موقعه.

- خلي بالك اسم التفضيل شبه فعل التعجب بس التعجب صيغتين (ما أفعل - أفعل به) والتفضيل أي جملة غير الصيغتين دول (ما أجمل الحق أجمل بالحق) دول تعجب يعني فعل (الحق أجمل صفة) يعني اسم تفضيل.

- أجمل في التعجب (فعل) ماضي مبني.

- أجمل في التفضيل اسم بيتعرب حسب موقعه في الجملة.

اسم الزمان والمكان

١- قولنا هو اسم مشتق يعني مصوغ من الفعل.

٢- إوعى تطلع كلمة بتدل على زمان ومكان وخلاص زي بيت أو وطن أو ليل أو نهار لأن دي مش مشتق دي كلمة بتدل على زمان أو مكان وخلاص.

٣- بنصيفه إزاي؟

- من الفعل الثلاثي ليه وزن (مَفْعَل - مَفْعِل) حسب نوع الفعل.

٤- يعني إيه حسب نوع الفعل؟

- يعني أنواع من الثلاثي بتيجي على وزن (مَفْعَل) وأنواع على وزن (مَفْعِل).

٥- إيه أنواع الثلاثي اللي بتيجي على وزن (مَفْعَل)؟

- لما يكون الفعل معتل الآخر ذي (سعى) بيبقى (مسعى) أو صحيح بس مضموم أو مفتوح الوسط في المضارع ذي (كتب) (يكتب) (مكتب) (صنع) (يصنع) (مصنع).
أو أجوف أوسطه ألف أصلها واو ذي (جال مجال) و(عاد معاد) و(دار مدار).

٦- إيه أنواع الثلاثي اللي بتيجي على وزن (مَفْعِل)؟

- لما يكون الفعل معتل الأول (وعد موعد) أو صحيح مكسور الوسط في المضارع (هبط مهبط) أو أجوف (وسطه ألف) بس أصلها ياء (غاب مغيب) (باع مبيع).

٧- هي القاعدة دي ملهاش حالات خاصة (شواذ)؟

- لكل قاعدة شواذ يعني (مسجد) المفروض تبقى (مسجد) لكن هي (مسجد) في اللغة.
- وزياها بقى (مشرق ومغرب ومطار ومسار) وغيرهم كثير.

٨- طب هو ممكن يجي مؤنث ومثنى وجمع زي باقي المشتقات؟

- طبعا بص على (مكتبة محطة ومنزلة ومرحلة ومراكز) وغالبا لما بيبقى مؤنث بيبقى مكان أكثر.

٩- طب هو من غير ثلاثي بيجي إزاي؟

- بيبقى ذي اسم المفعول يعني أوله ميم مضمومة ومفتوح ما قبل الآخر ذي (مجتمع ومتنزه ومستقبل).

١٠- طب أسئلته بتيجي إزاي؟

- ممكن يقولك استخرج وساعتها بتدور على كلمة أولها ميم (مَفْعَل - مَفْعِل) أو ميم مضمومة مفتوح ما قبل الآخر (مستقبل ومجتمع) وكده.

١١- وإيه ثاني؟

- يدك فعل ويقولك هات منه اسم زمان أو مكان في جملة متناسخ تحط قبله (زمان) معين أو مكان معين يعني (مجتمع) تقول (الليل مجتمع الأصدقاء) مثلاً أو (النادي مجتمع الأصدقاء).

١٢- وإيه ثاني؟

- ويمكن يقولك استخرج وأوزنه وبين سبب مجيئه على هذا الوزن؟
وساعتها هات الفعل بتاعه وواصفه صحيح ولا معتل:

- موقف** جاء على مَفْعِل لأنه من فعل ثلاثي (وقف) معتل الأول.
مجلس جاء على مَفْعِل لأنه من فعل ثلاثي (جلس) صحيح مكسور الوسط.
مجري جاء على مَفْعَل لأنه من فعل ثلاثي (جري) معتل الآخر.
مفاز جاء على مَفْعَل لأنه من فعل ثلاثي (فاز) أجوف بالواو.
مصير جاء على مَفْعَل لأنه من فعل ثلاثي (صار) أجوف بالياء.

١٣- وإيه ثاني من الأسئلة؟

- ممكن يقولك فرق بين اسم الزمان والمكان واسم المفعول ودا حسب الجملة:
- الليل مستقبل الضيوف. اسم زمان.
- البيت مستقبل الضيوف. اسم مكان.
- الضيف مستقبل باهتمام. اسم مفعول.

١٤- طب هو بيتعرب إزاي؟

- بيتعرب ذي كل المشتقات حسب موقعه.

١٥- طب أنا عرفت وزنه من ثلاثي لكن معرفتش من غير ثلاثي؟

- من غير ثلاثي أوزنه زي أي كلمة عادية (مجتمع مفتعل) (مستقبل مستفعل)

١٦- لو في القطعة جمع أو مثنى أو مؤنث اطلعه زي ما هو؟

- آه مراكز مناحي مكتبة وأوزنه كمان زي ما هو (مفاعل - مفعلة) عادي.

اسم الآلة

١- يعني إيه اسم آله؟

- دي اسم يدل على الأداة التي بنعمل بيها الفعل.

٢- ليه مقلناش بقى مشتق زي الباقي؟

- لأن فيه منه مشتق (قياسي) وفيه منه جامد (سماعي).

٣- طب أوزان القياسي إيه؟

- (مفعول مبرد) (مفعلة - مروحة) (فَعَّال - سَحَّان) (فعالة - سيارة) (فاعلة - ساقية) (مفعال - منشار) (فاعول - حاسوب).

٤- طب لو غير الأوزان يبقى إيه؟

- يبقى الجامد (السماعي) يا سيدي زي قدوم سكين فأس فرجار وقلم وسهم وسيف ورمح) وهكذا.

٥- طب بيجي إزاي؟

- عادي استخرج أو يدريك فعل تعمل منه اسم آلة.

(بس خلاص يا عم ذاكر بقى ثاني) (عشان تحفظ مرتين مش مرة)

المصادر

١- يعني مصدر الفعل؟

- يعني الاسم الي بيدل على معنى الفعل بس معاهوش زمن يعني متقدرش تقول عليه ماضي أو مضارع أو أمر وكمات تقدر تحط له (أل) زي (كتابة - انتصار) نقدر نقول (الكتابة - الانتصار) وكمات تقدر تعمله مفعول مطلق (كتب - كتابة) (انتصر - انتصارًا).

٢- أجيب المصدر إزاي؟

- لازم تعرف أن لكل فعل مصدر يعني الثلاثي له مصدر والرباعي له مصدر والخماسي والسداسي وهكذا

٣- طب مصدر الثلاثي استخرجه إزاي؟

- لازم تعرف إنه سماعي يعني ملوش أوزان ثابتة ونستخرجه بإننا نجيب اسم مش مشتق يعني مش (اسم فاعل ولا اسم مفعول ولا صيغة مبالغة ولا اسم تفضيل ولا اسم زمان ومكان) يعني نجيب اسم عادي يكون فعله ثلاثة حروف.

٤- طب أتأكد إزاي إنه مصدر؟

- اعمله مفعول مطلق يعني (نصر - نصرًا) (كتب - كتابة) ولو منفعش يبقى مش مصدر زي (أحد) في حاجة اسمها (أحد أحدًا) (باب بابًا).

٥- طب ومصادر الرباعي؟

- لكل فعل رباعي مصدر يخصه يعني الفعل اللي على وزن أفعل مصدره إفعال ولو معتل الآخر زي أهدي برضه إفعال إهداء بس بنحول الألف همزة.
- ولو معتل الوسط زي (أعاد) مصدره إفعلة (إعادة).
- ولو الفعل فاعل مصدرين فاعل ومفاعلة (جهاد ومجاهدة).
- ولو الفعل فعلل مضعف يعني الأول شبه الثالث والثاني شبه الرابع (وسوس) له مصدرين فعللة وفعلال (وسواس ووسوسة).
- ولو مش مضعف يعني حروفه مش شبه بعض (بعثر) مصدر واحد بس فعللة (بعثرة).

٦- طب أنا كدا توهمت ومش هعرف استخرجه أعمل إيه؟

- بس يا سيدي احفظ الكلمات ديه وهات شبهه من القطعة (تربية - تعليم - إعلام - إذاعة - جاهد - مجاهدة - زلزال - زلزلة).

٧- وإيه أكثر وزن أخاف منه؟

- وزن (جهاد) عشان كثير بيفتكره ثلاثي فخلي بالك من الكلمات شبه صراع وحوار ونقاش وكفاح وسباق.

٨- طب أوزان الخماسي؟

- بص يا سيدي لو أول الفعل (ت) زي (تصَالِح) نجيب المصدر إننا نضم ما قبل الآخر (تصَالِح) ولو معتل الآخر (تهادى) نكسر ما قبل الآخر (تهادى) ولو الفعل أوله ألف نكسر الثالث ونحط ألف قبل الآخر (انتصر - انتصار) ولو قبل الآخر ألف نحوله (ياء) (اختار - اختيار).

٩- طب استخرجه بقى إزاي؟

احفظ الكلمات ديه وهات شبهه من القطعة (انكسار الاقتصاد تقدّم التصالح تحدي التلاقي).


١٠- طب السداسي بنجيبيه إزاي؟

- زي الخماسي أوله ألف يعني نكسر الثالث ونحط ألف قبل الآخر (استخدم - استخدام) ولو الآخر معتل نحوله همزه (استهدى - استهداء) ولو قبل الآخر ألف نعوض عنها بتاء مربوطة (استفاد - استفادة).

١١- طب استخرجه إزاي؟

- احفظ الكلمات دي (استعادة واستغلال الاطمئنان)

١٢- طب الخلاصة عشان تهت؟



١٣- طب المصدر المؤول يعني إيه؟

- يعني تركيب من كلمتين أو أكثر يتحولوا مصدر صريح كلمة واحدة.

١٤- طب أشكاله إيه؟

- بص يا سيدي هو ليه أشكال كتير في اللغة أنت عندك ثلاثة أشكال (أن + الفعل المضارع) (ما + الفعل الماضي) (أن واسمها وخبرها).

١٥- طب إديني أمثلة؟

- (وأن تصوموا خير لكم) (يسرني ما قال الناس الصدق) (علمت أن الله رحيم).

١٦- طب بيتعرب إزاي؟

- بنعرب كل جزء لوحده ثم نقول المصدر المؤول كله في موقع إيه.

١٧- مش فاهم؟

- بص يا سيدي (أن تصوموا خير لكم)

أن : حرف نصب مبني لا محل له من الإعراب. - تصوموا: مضارع منصوب وعلامة نصبه حذف النون.
والمصدر المؤول في موقع مبتدأ مرفوع.

١٧- عرفت منين إنه مبتدأ بقى؟

- حولته كلمة واحدة يعني مصدر صريح (صومكم خير لكم) وصومكم مبتدأ يبقى المصدر المؤول مبتدأ.

١٨- نحول المصدر إزاي لصريح؟

- لو أن والفعل أو ما والفعل هات المصدر من الفعل (أن ينتصر - تبقى انتصار) (ما اعترف - اعتراف)

١٩- طب أن واسمها وخبرها؟

- هات المصدر من الخبر وخط اسم إن وراه مضاف إليه

- علمت أن محمد كريم كرم محمد. - علمت أن الفتاة مجتهدة اجتهد الفتاة.

اسم المرة والهيئة والمصدر الميمى

١- اسم المرة يعني إيه؟

- هو مصدر يدل على حدوث الفعل مرة واحدة ذي (أكلة وشربة وضربة ونومة).

٢- طب إزاي بنصيفه؟

- من الثلاثي على وزن فَعْلَة ذي كلمة (مرة - قوله جلسة - هجمة - دعوة).

٣- إيه ده هو حرف العلة بيظهر فيه على حقيقته؟

- آه الألف في النص أو الآخر بترجع لأصلها واو أو ياء (قولة - بيعة - رجوة - رمية).

٤- طب من غير ثلاثي؟

- بنجيب المصدر الصريح العادي ونزودله في الآخرة (ة) تاء مربوطة (انطلاقة - واستغفارة).

٥- طب لو المصدر الثلاثي أو غير الثلاثي لاقيناه بالصدفة شبه اسم المرة بنعمل إيه؟

- بنزود بعده كلمة (واحدة) (رحمة واحدة واستقالة واحدة).

٦- طب أنا توهمت استخرجه إزاي؟

- دور على (انطلاقة - هجمة).

٧- طب يعني إيه اسم هيئة؟

- دا يا سيدي مصدر يدل على شكل الفعل لما يحصل ذي (قفز السباح في الماء قفزة النمر) يعني شكل القفز ذي النمر.

٨- طب بيعي إزاي ده؟

- من الثلاثي فقط على وزن فعلة (خدمة - جلسة - مينة).

٩- طب دا شبه اسم المرة أفرق إزاي؟

- اسم الهيئة بيعي بعديه غالباً نعت أو مضاف إليه.
- يعني مافيش مشكلة وبعدين هما مش بيعجوا مع بعض في القطعة داياً يعني.

١٠- طب يعني إيه مصدر صناعي؟

- يعني مصدر مش طبيعي لأن الطبيعي بيعي من فعل لكن ده مصدر مصنوع من الاسم.

١١- أي اسم؟

- آه يا سيدي أي اسم مشتق أو جامد.

١٢- طب بعمله إزاي؟

- بحط للاسم في الآخر ياء مشددة وتاء تأنيث (وطنية - إنسانية - حرية).

١٣- طب ما لوش شروط؟

- شرطه ميغيش نعت ولا يتعطف على نعت لأن ساعتها هنسميه اسم منسوب
- (الوطنية والقومية مشاعر جميلة) مصدر صناعي. - (المشاعر الوطنية والقومية جميلة) اسم منسوب.

١٤- إيه هو المصدر الميمي؟

هو مصدر أوله ميم زيادة بس مش على وزن مفاعلة.

١٥- اشمعنى مفاعلة؟

- عشان دا مصدر رباعي صريح (مواجهة ومجاهدة).

١٦- طب بيعي إزاي؟

- نفس طريقة اسم الزمان والمكان يعني من ثلاثي مفعّل ومفعِل ومن غير ثلاثي (مُ) مفتوح ما قبل الآخر (مجتمع ومستقبل).

١٧- طب أفرق إزاي؟

- الجملة يا سيدي بيبقى فيها دلالة على زمان أو مكان لو مفيهاش تبقى مصدر ميمي.
- الليل موعد الاجتماع.
- النادي موعد الاجتماع:
- الوفاء بالموعد من صفات الكرام.
اسم زمان.
اسم مكان.
مصدر ميمي.

١٥- طب أفرق إزاي بينه وبين اسم المفعول؟

- حسب معنى الجملة خلي بالك إن اسم المفعول بيدل على من وقع عليه الفعل.
- الضيف مستقبل باهتمام.
- كان مستقبل الضيوف رائعاً.
- يعني حد استقبله لكن المصدر الميمي (لأ) بص كده.
- يعني استقبلهم كان رائع.

١٦- طب عايز أتأكد أن الكلمة ديه مصدر ميمي أعمل إيه؟

- شيلها وحد المصدر الصريح مكانها.
- كان مهبط الطائرة مربعاً.
- منطلق مصر نحو السلام محمود.
- هبوط.
- انطلاق.

الاسم المقصور والمنقوص والممدود

١- يعني إيه اسم مقصور؟

- يعني الاسم العرب الي آخره ألف مكتوبة ألف أو ألف لينة زي (عصا - قتي - كبرى - مها).

٢- طيب بيتعرب إزاي؟

- حسب موقعه في الجملة بعلامات عادية ضمة وفتحة وكسرة بس مقدرة.

٣- يعني إيه مقدرة؟

- يعني ما بننطقهاش عشان مستحيلة النطق على الألف.

٤- طب بندرسه إيه؟

- عشان نتعلم نخليه مثني أو جمع.

٥- طب أثنيه إزاي؟

- بص يا سيدي المثني وجمع المؤنث زي بعض يعني قاعدة واحدة لو الألف رقم (٣) يعني ثالث حرف في الكلمة زي (عصا وهدي) نرجعها لأصلها واو أو ياء الأول ثم نشي أو نجمع مؤنث (عصوان - عصوات - هديان - هديات).

٦- طب أعرب أصل الألف إزاي؟

- لو مكتوبة ألف أصلها واو (عصا - عصو).
- لو مكتوبة ياء أصلها ياء (هدي - هدي).

٧- طب في جمع المذكر السالم؟

- بنحذف الألف خالص ونحط (ون - ين).
- أعلون - أعلين - مصطفى مصطفىون.

٨- يعني إيه اسم منقوص؟

- يعني اسم آخره ياء مكسور ما قبلها (محامي - داعي).

٩- بس أنا بشوفه في القطعة من غير الياء ليه؟
- عشان حذف الياء بيحصل بشروط.

١٠- إيه هي الشروط؟
إن الكلمة تبقى بدون (ال) وما فيش بعدها مضاف إليه ومش منصوبة. (هذا محامٍ - عادل)

١١- طب بيتنى ويتجمع إزاي؟
- في المثنى وجمع المؤنث مافيش تغيير (محامي - محاميان - محاميات) وفي جمع المذكر نحذف الياء (محامون - محامين).

١٢- طب بيتعرب إزاي؟
- بعلامات مقدرة ما عدا الفتحة ظاهرة.

١٣- يعني إيه اسم مملود؟
- الاسم اللي آخره (اء) بعد حرفين أو أكثر (سما - صحراء).

١٤- بيتعرب إزاي؟
- حسب موقعه بعلامات ظاهرة.

١٥- طب يعني إيه نوع همزته؟
- همزته أصلية لو كانت موجودة في الثلاثي (إنشاء - نشأ).
- همزة منقلبة لو كانت واو أو ياء في الثلاثي (بناء - بنى - دعاء - دعوا).
- همزة زائدة يعني مش موجودة في الأصل (صحراء).

١٦- طب بيتنى ويتجمع إزاي؟
- حسب نوع همزته لو أصلية نسيبها (إنشاء - إنشاءان - إنشاءات).
- لو منقلبة نسيبها أو نقلبها واو (سماان - سماوان - سماعات - سماوات).
- لو زائدة نقلب واو (صحراء - صحراوان - صحراوات).

البناء للمجهول

١- يعني إيه فاعل؟
- يعني من قام بالفعل أو اتصف به. (شرح المعلم - انكسر الزجاج).

٢- إيه صور الفاعل؟
- ممكن يكون اسم ظاهر (حضر الرجل) أو ضمير مستتر (مصر تقدمت) أو مصدر مؤول (يجب أن تذاكر) أو ضمير بارز (نجحوا).

٣- امتى أقول على الفاعل ضمير مستتر؟

- إذا تقدم على الفعل (الحياة انتهت) فالفاعل هنا ضمير مستتر تقديره (هي) يعود على الحياة.

٤- طب إيه الضمائر اللي تتصل بالفعل تبقى فاعل؟

(أ) ألف الاثنين و(ن) النسوة و(ت) الفاعل و(نا) الفاعلين واو الجماعة وياء المخاطبة (ان ت نا وي).

٥- يعني إيه جملة مبنية للمعلوم؟

- يعني الفاعل موجود في الجملة اسم أو ضمير.

٦- إزاي نبني الجملة للمجهول؟

- ثلاث خطوات نحذف الفاعل ونغير صورة الفعل.

- ونخلي المفعول به نائب فاعل مرفوع.

٧- إزاي نبني الفعل للمجهول؟

- لو ماضي نضم أوله ونكسر ما قبل آخره (فتيح).

- (قيل) (بورك) (استعيد) - (أختصر) (أعيد) (أختير).

٨- أنا لاحظت أننا بنحول الألف ياء صح؟

- آه ما عدا لو الفعل رباعي تانية ألف (بارك بورك).

٩- طب والمضارع؟

- نضم أوله ونفتح ما قبل الآخر يفهم (يعاد - يباع).

- يعني بنحول الواو والياء إلى ألف.

١٠- يعني إيه فعل ملازم البناء للمجهول؟

- يعني فعل عادي واللي بعده فاعل بس بالصدفة جه شبه المبني للمجهول.

١١- طب أعرفه إزاي؟

- دي أفعال محددة (حم - غم - فلج - ثلج - امتنع - انتنع - جن).

١٢- واللي بعدهم بيتعرب إزاي؟

- بيتعرب فاعل.

١٣- طب ممكن بنبيهم للمجهول؟

- لأ طبعاً.

١٤- طب بيجوا مضارع؟

- المسموع منهم الماضي بس.

١٥- طب إيه حكاية استشهد - احتضر - توفى؟

- دي المفروض الفاعل بتاعها (الله) بس احنا غالباً بنبيها للمجهول يعني ما بنقولش (استشهد الله فلان)

بنقول على طول (استشهد فلان) يعني مبني للمجهول واللي بعده نائب فاعل.

١٦- دا على طول؟

- لا لما تكون بمعنى (الموت) والفاعل (الله) مش معاها يعني لو مش بمعنى الموت يبقى فعل عادي والي بعديه فاعل (استشهد الطالب بأبيات جميلة).
- الطالب : فاعل مرفوع وعلامة رفعه الضمة.

الجملة الاسمية

١- الجملة الاسمية يعني إيه؟

- يعني الجملة التي بتبدأ باسم بنسميه المبتدأ؟

٢- يعني إيه مبتدأ بقى؟

- يعني اسم أو ضمير تبدأ به الجملة المفيدة.

٣- ليه أنواع ولا لأ؟

أ - اسم

الله رحيم

ب - ضمير

هو خير لكم

ج - مصدر مؤول

أن تصوموا خير لكم

٤- هو لازم يكون معرفة؟

- لا، ممكن يبقى نكرة بس دا في حالات معينة مثلاً - يجي قبله نفي أو استفهام (أرحيم قلبك؟) (ما فائز أخوك).

٥- طب يعني إيه خبر؟

- هو المعلومة الي بنقولها على المبتدأ (الحرب خدعة).

٦- هو لازم يبقى نكرة؟

- لا طبعاً ممكن الخبر يكون معرفة ذي (هو الله) (الدين المعاملة).

٧- هل الخبر ليه أنواع؟

- طبعاً مفرد المسلمون إخوة.

- جملة اسمية الرجال كلامهما خطير.

- جملة فعلية الأمور تتحسن في مصر.

- شبه جملة النجاح من الكفاح

الله حولنا

٨- طب الخبر الجملة بيتعرب إزاي؟

- **الرجلان** : مبتدأ مرفوع وعلامة رفعه الألف لأنه مثني .

- **كلامهما** : مبتدأ ثان مرفوع وعلامة رفعه الضمة .

و(هما) ضمير مبني في محل جر مضاف إليه .

- **خطير** : خبر المبتدأ الثاني مرفوع وعلامة رفعه الضمة والجملة **(كلامهما خطير)** في محل رفع خبر .

٩- طب أفرق إزاي بينه وبين الخبر المفرد؟ عشان بتلغبط

- الخبر الجملة لازم فيه ضمير بارز أو مستتر يعود على المبتدأ .

- الله رحمته واسعة الهاء ضمير يسمى الرابط أو العائد

- المسلمون يرحمون واو الجماعة ضمير يسمى الرابط أو العائد .

١٠- طب لو مافيش ضمير؟

- يبقى خبر مفرد ذي الإسلام أسلوب حياة . - الخبر هنا أسلوب وحياة مضاف إليه مجرور .

١١- ممكن الخبر والمبتدأ يبقوا معرفة؟

- طبعا طلابي الأفضلون دائماً .

١٢- طب والخبر الجملة الفعلية بيتعرب إزاي؟

- مصر تدعو الغير للسلام

- **تدعو** : فعل مضارع مرفوع وعلامة رفعه الضمة المقدرة والفاعل ضمير مستتر تقديره هي .

- **الغير** : مفعول به منصوب وعلامة نصبه الفتحة والجملة (تدعو الغير) في محل رفع خبر .

١٣- طب وشبه الجملة بيتعرب إزاي؟

- عادي **(جار ومجرور)** وشبه الجملة في محل رفع خبر و**(ظرف)** وشبه الجملة في محل رفع خبر .

١٤- طب الخبر ممكن يتعدد؟

- طبعا (عمر بن الخطاب عادل، حكيم، قوي) .

١٥- امتي الخبر يتقدم على المبتدأ؟

أ - جوازاً في حالتين:

- **الأولى** : لو الخبر شبه جملة والمبتدأ معرفة **(الحمد لله الله الحمد)** .

- **الثانية** : لو المبتدأ مخصوص بالمدح أو الذم لنعم أو بئس **(نعم السلوك الوفاء)** .

أو **(الوفاء نعم السلوك)**

ب - وجوباً في أربع حالات:

- الأولى : لو الخبر شبه جملة والمبتدأ نكرة (في مصر رجال).
- الثانية : لو المبتدأ مخصوص لحبذا أو لا حبذا (حبذا الإخلاص).
- الثالثة : لو الخبر من الأسماء التي لها الصدارة (متى الرحيل؟).
- الرابعة : لو المبتدأ فيه ضمير يعود على الخبر (للمصري كرامته).

١٦- ما فيش حالة ثاني؟

- فيه طبعا بس دي زيادة على المنهج وهي لو كان المبتدأ بعد إلا في النفي والاستثناء ذي (ما عالم إلا زويل).

١٧- طب (هل و أ) أسماء استفهام برضه؟

- لا يا عم دي حروف مش أسماء يعني لا محل لها من الإعراب.

١٨- طب ممكن مثال على إعراب الاستفهام؟ أين الحقيقة مثلاً؟

- أين : اسم استفهام مبني في محل رفع خبر مقدم.

- الحقيقة : مبتدأ مؤخر مرفوع.

١٩- طب إزاي أحول الخبر المفرد لجملة؟

- خليه فعل ذي الرجال مجتمعون خليها الرجال مجتمعون.

٢٠- طب إزاي أصول الجملة لمفرد؟

- بص يا سيدي لو جملة اسمية (الله رحمته واسعة) مثلاً غير الأماكن خليها (الله واسع الرحمة).

- لو جملة فعلية خلي الفعل اسم (الطبيعة توحى بالأسرار) خليها (الطبيعة موحية بالأسرار).

٢١- أخلي بالي من إيه في الدرس؟

- خلي بالك من الشكل ده: - المصري معروف فضله - المصري معروف فضله

- لأن في الجملة الأولى الخبر مفرد عشان الضمير مجاش فيه فالخبر معروف وفضله معمول اسم المفعول نائب فاعل يعني لكن في الثانية الخبر جملة اسمية فضله مبتدأ ثان ومعروف خبر المبتدأ الثاني.

٢٢- إيه أكثر شكل بييجي في الامتحانات في التقديم؟

- الخبر شبه جملة والمبتدأ نكرة أو معرفة - في مصر رجال - في العجلة الندامة.

٢٣- طب أعرف المبتدأ المؤخر إزاي لو الجملة كبرت؟

- امسك الخبر المقدمة واسأل بكلمة (إيه)؟

- في الثاني العاقل الرشيد السلامة (نسأل إيه اللي في الثاني) والإجابة هي المبتدأ المؤخر.

حذف الخبر والمبتدأ

١- هو ممكن الخبر يتحذف؟ وامتي؟

- يتحذف جوازاً إذا فهم من سياق الكلام ودا غالباً يبقى جواب لسؤال (ما لفتك المفضلة؟) ،
(من فتح مصر؟) نقول عمرو بن العاص وأصلها عمرو بن العاص هو من فتح مصر.

٢- طب امتي يبقى واجب الحذف يعني لازم يتشال من الجملة؟
- دافي حالات منها:

أ- إذا وقع المبتدأ بعد (لولا) ذي (لولا الشرطي لسرق اللص المنزل) فالجملة أصلها لولا الجندي موجود.
ب- إذا كان المبتدأ صريحاً في القسم (يمين الله لتعودن الأمانة لصاحبها) والجملة أصلها يمين الله قسمي.
ج- إذا عطف على المبتدأ بواو المعية ذي (كل إنسان وجهده) والجملة أصلها كل إنسان وجهده متلازمان.

٣- يعني إيه صريح في القسم؟
- يعني قسم يبدأ باسم ذي (يمين الله - أيم الله - لعمرك - أيمن الله).

٤- هو ممكن نبداً بنكرة؟
- ممكن إذا سبقها نفي (ما رجاء محقق إلا بالعمل) أو استفهام (هل إله غير الله؟)

٥- هو فيه (ل) بتخش على المبتدأ؟
- آه ذي لام الابتداء ومبتأثرش في الإعراب.
الله : مبتدأ مرفوع وعلامة رفعه الضمة.

٦- امتي المبتدأ يتحذف جوازاً؟
- إذا فهم من خلال الكلام ودا كثير في جواب الاستفهام ذي (أين أبوك؟) (في المنزل) فالجملة أصلها أبي في المنزل.

٧- امتي يتحذف وجوباً؟
١- إذا كان الخبر مخصوصاً بالمدح والذم (لنعم وبئس)
- نعم السلوك الوفاء
(الوفاء): خبر لمبتدأ محذوف تقديره هو.
٢- إذا كان الخبر مشعراً بالقسم
(في ذمتي لأعيدن الأمانة لصاحبها).
فالجملة أصلها في ذمتي قسم.
٣- إذا كان الخبر مصدراً نائباً عن فعله (صبر جميل) فالجملة أصلها صبري صبر جميل.

٨- يعني إيه كلمة (الوفاء) ليها إعرابين؟
- لأن بعض العلماء اعتبروا جملة (نعم السلوك الوفاء) جملة واحدة والوفاء هو المبتدأ المؤخر ونعم السلوك هي الخبر المقدم والبعض اعتبرها جملتين (نعم السلوك) جملة فعلية مستقلة و(الوفاء) جملة مستقلة خبر لمبتدأ محذوف.

٩- يعني إيه مشعر بالقسم؟
- جملة تحس منها القسم بس مش صريحة ذي (في ذمتي) (في يقيني) (في عهدتي) (في رقبتي) وكده يعني.

النواسخ

إن وأخواتها

١- يعني إيه حرف ناسخ؟ وإيه هم الحروف الناسخة؟

- يعني حرف يدخل على الجملة الاسمية بغير إعرابها وهما إن وأخواتها ولا النافية للجنس.

٢- إيه هما إن وأخواتها؟ وإيه عملهم؟

(إن - أن - ليت - لعل - كأن - لكن)

- تدخل على الجملة الاسمية تنصب اسمها وترفع خبرها

- إن الحق واضح الحق: اسم إن منصوب وواضح: خبر إن مرفوع

٣- أفرق إزاي بين لكن ولكن؟

- لكن بالسكون حرف عطف يبيّن حاجتين عكس بعض ويبقى قلبه نفي أو نهي لا تكن ضعيفاً لكن قوياً لكن بالتشديد تدخل على جملة اسمية تلاقي معها اسمها وخبرها.

٤- إمتى يتلغي عمل إن وأخواتها؟

- إذا دخلت عليهم (ما) الزائدة

(ما) زائدة كافة

إن: حرف توكيد ملغي

(إنما المؤمنون إخوة)

إخوة: خبر مرفوع

المؤمنون: مبتدأ مرفوع

٥- بتلغي عملهم كلهم؟!

- كلهم ما عدا (ليت) ممكن تلغيها أولاً

- (ليتما العرب متحدون) ممكن تعرب العرب مبتدأ مرفوع أو اسم ليت منصوب.

٦- بشوف (ل) بعد إن وأخواتها اسمها إيه؟

- دي يا سيدي (ل) التوكيد (الابتداء) وما بتأثرش في الإعراب

- إن الله لرحيم (رحيم) خبر إن مرفوع.

- وممكن تيجي في اسم إن المؤخر (إن في ذلك لعبرة).

عبرة: اسم إن مؤخر منصوب.

٧- إمتى استخدم (أن) مفتوحة الهمزة؟

- إذا سبقها كلام وتؤول وما بعدها بمصدر

(عظمة الله)

- علمت أن الله عظيم

٨- إمتى استخدم (إن) مكسورة الهمزة؟

في مواضع كثير هتلاقيها في ورق الشرح اللي بخط اليد.

٩- يعني إيه (لا) النافية للجنس؟

- حرف يدخل على الجملة ينفي الخبر عن جنس اسمها (لا رجل ضعيف).
- يعني نفيت الضعف عن جنس الرجالة كلهم.

١٠- بتعمل إيه في الجملة؟

- بتعمل عمل إن وأخواتها بس بشروط.

١١- إيه الشروط؟

- اسمها نكرة، لا يفصلها عن اسمها فاصل ولا يسبقها حرف جر.

١٢- ما أنواع اسمها؟

- أ- مضاف يعني بعده مضاف إليه نكسره (لا طالب علم مكروه) ويتعرب منصوب.
- ب- شبيه بالمضاف يعني بعده شبه جملة زيادة أو معمولة (لا طالباً للعلم مهمل) (لا مؤدياً واجبه مهان) ويتعرب منصوب.
- ج- مفرد يعني مش مضاف ولا شبيه بالمضاف (لا طالب مهمل) ودا مبني على ما ينصب به في محل نصب.

١٣- إمتى يتلغي عمل لا النافية للجنس؟

- إذا فقدت شرط من شروطها يعني اسمها معرفة أو تقدم الخبر على المبتدأ أو سبقها حرف جر.

١٤- ممكن يتحذف خبرها؟

- آه طبعاً إذا فهم من سياق الكلام ذي (لا جدال - لا مفر - لا بد - لا ريب - لا تعليق).

١٥- هل المضاف إليه اللي بعد اسمها دائماً نكرة؟

- طبعاً لأنه لو جه معرفة يبقى اسمها معرفة بالإضافة وتهمل (لا طالب العلم مهمل ولا مقصر) اسمها معرفة بالإضافة.

الأفعال الناسخة

١- إيه الأفعال الناسخة دي؟

- هي كان وأخواتها وكاد وأخواتها.

٢- بتعمل إيه في الجملة؟

- بتدخل على الجملة الاسمية ترفع اسمها وخبرها منصوب ذي كان الحق واضحاً
- الحق: اسم كان مرفوع واضحاً: خبر كان منصوب

٣- إيه هي أخوات كان؟

- أصبح - أضحى - ظل - أمسى - بات - صار - ليس - مازال - ما برح - ما فتى - ما انفك - ما دام.

٤- يعني إيه ما برح وما انفك وما فتى - وما زال؟

- كلهم بمعنى الاستمرار.

٥- إيه نوع (ما) اللي قبلهم دي؟

- دي ما نافية وممكن نشيلها ونحطها (لا) المهم تبقى منفية.

٦- وما دام زيهم ولا لأ؟

لأ : ما دام - يعني المدة (ما) هنا بنسميها مصدرية ظرفية وما ينفعش تتشال وبتيجي ماض بس.

٧- طب إيه أنواع اسم كان؟

- اسم ظاهر (كان الحق واضحاً) ضمير مستتر (الرجل كان متبعاً)
- أو ضمير بارز (كانوا سعداء) واو الجماعة هنا.

٨- طب أنواع خبرها؟

- خبرها هو الخبر العادي يعني (مفرد - جملة - وشبه جملة)

٩- طب بيتعرب إزاي؟

- لو مفرد يبقى منصوب ولو جملة أو شبه جملة يبقى في محل نصب.

١٠- هي الأفعال ديه ماضي بس؟

- لا يا سيدي منها اللي بيجي ماض بس (ليس - ما دام) بنسميها أفعال ناقصة ومنها اللي بيجي ماضي ومضارع وهي الأفعال المنفية (ما زال - ما برح - ما قئ - ما انفك) (لا يزال - لم يبرح - ما يفتأ - لن ينفك) ودي ناقصة التصرف ومنها اللي بيجي ماض ومضارع وأمر ودي (كان - أصبح - أضحى - ظل - أمسى - بات - صار) يعني متصرفة تصرفاً كاملاً.

١١- ممكن خبر كان يتعدد؟

- طبعاً ما هو خبر عادي (كان الله رحيماً غفوراً عادلاً).

١٢- ممكن كان تدخل زيادة أو تتحذف؟

- آه بس دي زيادة على المنهج وبتخش زيادة في التعجب (ما كان أجمل السماء!) وملهاش اسم ولا خبر طبعاً وبتتحذف بعد (ولو) التمس ولو خاتماً من حديد يعني لو كان الملتمس خاتماً من حديد.

١٣- طب لو جه حرف جر زائد بعد كان أو ليس بنعرب إزاي؟

- بعد كان المنفية أو ليس ممكن حرف جر زائد يخش زي (لم يكن الأمر بصعب - ليس الأمر بصعب) بنعرب بصعب: خبر كان منصوب محلاً مجرور لفظاً.

١٤- يعني إيه بقى كان تامة؟

- يعني اللي ما بتدخلش على جملة وبيجي ورها فاعل بس ذي سنكافح مهما كان الأمر.

١٥- طب أعرفها إزاي؟

- دور على الخبر لو ملقتش ليها خبر تبقى تامة إذا كان الإصرار تحقق النجاح.

الإصرار: فاعل مرفوع.

١٦- في ملاحظات مهمة ولا حاجة؟

- آه العرب بتحذف (ن) كان وهي مضارع لم بتجزم (لم أك بدعائك ربي شقيا) وبتحذف للتخفيف.

١٧- يعني أفعال المقاربة والرجاء والشروع؟

- المقاربة يعني قرب حدوث الخبر وهي (كاد - كرب - أوشك).

- الرجاء يعني تمنى حدوث الخبر وهي (عسى - حري - أخلوق).

- الشروع يعني البداية في الفعل وهي بدأ أخذ طفق أنشأ جعل هب شرع.

١٨- بتعمل إيه الأفعال دية؟

- دي بتعمل عمل كان بس بشرط يعني بترفع اسمها وخبرها في محل نصب.

١٩- ليه قولت خبرها في محل نصب؟

- لأن شرطها أن يكون خبرها جملة فعلية فعلها مضارع كادت الأمور تهدأ - عسى الله أن يوفقهم - بدأ الرجل يجري.

٢٠- طب لو ما تحققش الشرط دا؟

- تبقى فعل عادي وبعدها فاعل عادي أوشك اليوم على الانتهاء.

- اليوم: فاعل مرفوع وعلامة رفعه الضمة.

٢١- يعني إيه حكم اقتزان خبرها بأن؟

- أن دي يا سيدي أداة نصب للمضارع ولاقيناها كثير مع خبر (أوشك - عسى) وقليل مع (كاد - كرب) ودايماً يعني وجوباً مع (حري - أخلوق) وما بتجيش مع أفعال الشروع كلها يعني ممتنعة.

٢٢- طب هي بتيجي ماض بس؟

- لا أفعال المقاربة بتشتغل وهي ماض ومضارع وأفعال الرجاء والشروع وماض بس يعني لو جت مضارع بيتلغي عملها (يبدأ الطالب يذاكر) الطالب: فاعل مرفوع عادي.

الضمائر

١- إزاي بنعرب الضمير؟

- الضمير (اسم عادي) بيتعرب حسب موقعه.

٢- يعني إيه أشكاله؟

- ضمير منفصل - ضمير متصل.

٣- طب إزاي بنعرب المنفصل؟

- بيتعرب حسب موقعه فمممكن يبقى مبتدأ (أنت صديقي) وممكن يبقى مبتدأ ثاني (الله هو الرحيم) وممكن يبقى توكيد لفظي هو هو ابني - حضر هو الدرس أو مفعول به زي (إياك إياك الكذب).

٤- طب والمتصل؟

- بص يا سيدي فيه ضمير في محل رفع وضمائر في محل نصب وجر.

٥- طب إيه هي ضمائر الرفع؟

(أ) الاثنين (ن) النسوة (ت) الفاعل (نا) الفاعلين (و) الجماعة (ي) المخاطبة

٦- في محل رفع إيه؟

- ممكن تبقى فاعل إذا اتصلت بفعل (لعبوا) ويمكن تبقى نائب فاعل إذا اتصلت بفعل مبني للمجهول (بوركوا) ويمكن تبقى اسم كان أو كاد وأخواتها (كانوا) (أوشكوا).

٧- طب إيه هي ضمائر النصب والجر؟

(نا) المفعولين (هـ) الغائب (ي) المتكلم (ك) الخطاب

٨- طب إمتى تبقى في محل نصب؟

- بتبقى في محل نصب مفعول به إذا اتصلت بفعل (ضربه) وفي محل نصب اسم إن إذا اتصلت بإن وأخواتها (إننا - ليتهنم - لعلك).

٩- إمتى في محل جر؟

- في محل جر مضاف إليه إذا اتصلت باسم (مجتمعنا كتابه) وفي جر اسم مجرور إذا اتصلت بحرف جر (إليهم عليك).

النت

١- إيه النت دي؟

- هو لفظ بيوصف اسم قبله.

٢- طب هو ليه أنواع؟

- آه مفرد وجملة وشبه جملة.

٣- طب أعرف المفرد إزاي؟

- نكرة بتوصف نكرة (هذا رجل كريم) أو معرفة بتوصف معرفة (نتمنى الحياة الكريمة) (نعتز بديننا الحنيف) (يا أيها المؤمنون) (يا هذا الرجل) (أحب عمر بن الخطاب) (أحب الطالب الذي يجتهد) (أحترم الطالب هذا).

٤- طب الجملة استخرجه إزاي؟

- بص يا سيدي الجملة الفعلية دور على فعل بيعود على نكرة نعيش في وطن (يتسع للجميع) جملة يتسع للجميع في محل جر نعت لوطن.

- والجملة الاسمية كلمتان أولهم فيها ضمير بيوصفوا نكرة (هذا وطن) (أرضه خصبة).

٥- طب الشبه الجملة؟

- نفس الفكرة شبه جملة بيوصف نكرة (دخل رجل وسط أهله) (دخل رجل في ثياب جميلة).

٦- هو النت بيتعرب إزاي؟

- هو تابع للي قبله يعني مرفوع أو منصوب أو مجرور زيه.

٧- طب نفس علامة الإعراب زيه؟

- لأ طبعاً كل كلمة حسب نوعها يا ذكي.

٨- طب أعرف محل جملة النت إزاي؟

- برضه حسب المنعوت لو كان مرفوع تبقى جملة النت في محل رفع ولو منصوب تبقى في محل نصب ولو مجرور تبقى في محل جر.

٩- هو فيه حاجة اسمها نعت سببي؟
- طبعاً هو النعت اللي بيبين صفة في شيء مرتبط بالمنعوت (أحب الرجل القوية عزيمته).

١٠- أعرفه إزاي؟
- مشتق بعده شيء يتصل بالمنعوت (هذا رجل كريم خلقه) النعت هنا كريم.

التوكيد

١- يعني إيه توكيد؟
- يعني تابع يزيل الشك من اللي بيأكده.

٢- هو ليه أشكال؟
- آه لفظي ومعنوي.

٣- يعني إيه لفظي؟
يعني تكرار الكلمة أو الكلام كما هو
(الله أكبر الله أكبر) فالجمله الثانية توكيد للأولى.
(الله الله عظيم) فلفظ الجلالة الثاني تأكيد للأول.
(كافحنا نحن الأمراض) نحن تأكيد للضمير في كافحنا (الرجل جاء هو إلى العمل) هو تأكيد للضمير المستتر.

٤- طب والمعنوي؟
- دي ألفاظ محددة (نفس - عين - كل - جميع - كلا - كلتا) ودول توكيد بشروط.

٥- إيه هي الشروط؟
- توكيد معرفة قبلها ويكون فيها ضمير وتكون زيادة على الجملة.

٦- إديني أمثلة؟
- جاء الجيش كله منتصراً - سلمت على المتفوقين أنفسهم - حضر الرجلان كلاهما الحفل.

٧- التوكيد لو فقد شرط بيتعرب إزاي؟
- حسب موقعه في الجملة (حاسب التاجر نفسه) نفسه: مفعول به.

البدل

١- يعني إيه بدل؟
- البدل هو تابع يوضح المقصود مما قبله.

٢- طب إيه أنواعه؟
- بدل مطابق وبعض من كل واشتغال.

٣- طب أشكال البدل المطابق إيه؟

- | | |
|--------------------------------|---------------------------|
| أ - اسم بعد لقب | (أحب الفاروق عمر) |
| ب - معرف بـ ال بعد اسم الإشارة | (هذا الطريق صعب) |
| ج - الجامد بعد أيها وأيتها | (يا أيها الناس) |
| د - كلمة وتكرر بإضافات للتوضيح | (أحب الصديق صديق الطفولة) |

طـ أشكال البدل بعض من كل؟

- أ - كلمة جزء مادي من اللي قبلها وفيها ضمير
ب - بدل التفضيل
ج - المستثنى بإلا في التام المنفي
(أعجبني الكتاب غلافه).
(أحب الأمرين الصدق والإخلاص).
(ما حضر الطلاب إلا أحمد).

طـ أشكال البدل الاشتمال؟

- أ - كلمة جزء معنوي من اللي قبلها وفيها ضمير
ب - كلمة جزء مادي غير أصيل من اللي قبلها
(أعجبني الكتاب فكرته).
(أعجبني الرجل سيارته).

كلا كلتا

١- يعني إيه كلا - كلتا؟

◀ دول كلمتين لتوكيد المثنى.

٢- طب شكلهم إيه في الجملة؟

◀ ليهم شكلين ممكن آخرهم ضمير وممكن وراهم اسم ظاهر عادي.

٣- طب بيتعربوا إزاي وهما فيهم ضمير؟

◀ بيتقوا توكيد أو حسب موقعهم ولكن بعلامات المثنى بيرفعوا بالألف وينصبوا ويجروا بالياء.

٤- طب إمتى توكيد معنوي؟

◀ بشروط التوكيد المعنوي أن يكون قبلهم المؤكد المعرفة وفيهم ضمير وزيادة على الجملة زي (الفارسان كلاهما فائزان) كلاهما: توكيد معنوي مرفوع وعلامة رفعه الألف لأنه ملحق بالمثنى.

٥- طب لو فقدت شرط من الشروط غير الضمير؟

◀ تتعرب حسب موقعها برضه بعلامات المثنى

(الرجلان كلاهما محترم). كلاهما: مبتدأ ثان مرفوع وعلامة رفعه الألف لأنه ملحق بالمثنى.

٦- طب لو بعديها اسم ظاهر؟ وبيتعرب إزاي؟

◀ هي بتتعرب حسب موقعها بعلامات مقدرة واللي بعديها مضاف إليه.

(حضرت كلتا الفتاتين) كلتا : فاعل مرفوع وعلامة رفعه الضمة المقدرة.

والفتاتين : مضاف إليه مجرور وعلامة جره الياء.

المفعول به

١- يعني إيه مفعول به؟

◀ اسم أو ضمير يدل على من وقع عليه الفعل المتعدي (أحب الناس الخير) الخير: مفعول به.

٢- يعني إيه فعل متعدي ويعني إيه لازم؟

◀ اللازم: هو الفعل اللي لا يحتاج إلى مفعول به ذي (نام محمد) والمتعدي هو اللي يجي معاه مفعول به (ذي ذاكر الطالب درسه).

٣. في أفعال متعدية، لمفعولين؟

▶ طبعاً، وهما نوعين مفعولين أصلهما المبتدأ والخبر ومفعولين ليس أصلهما المبتدأ والخبر.

٤. يعني إيه، مفعولين أصلهما المبتدأ والخبر؟

▶ يعني يعملوا مع بعض جملة مفيدة (ظن الطالب النجاح صعباً) (النجاح صعب) جملة مفيدة لوحدها.

٥. طب إيه، الأفعال اللي بتنصب مفعولين أصلهما المبتدأ والخبر؟

▶ ظن حسب زعم خال علم وجد رأى جعل.

٦. رأي بمعنى إيه؟

▶ علم أو فهم وأدرك.

٧. طب لو بمعنى شاف بعينه؟

▶ بتنصب مفعول واحد (رأى الناس المبارقة).

٨. إيه، الأفعال التي بتنصب مفعولين ليس أصلهما المبتدأ والخبر؟

▶ منح وهب أعطى ألبس كسا منع سأل حرم حبا.

▶ (منح الله الناس النعم كلها) الناس: مفعول به أول
النعم: مفعول به ثان.

٩. هو فيه، أفعال تنصب ثلاث مفاعيل؟

▶ آه بس مش مقررة (أرى - أعلم - أنبأ - أخبر).

١٠. طب فيه، أفعال بتنصب مفعولين غير اللي فاتوا؟

▶ طبعاً (اتخذ - اعتبر - سئى - أفهم - وغيرهم) ودا بيتعرف من معنى الجملة.

المفعول المطلق

١. يعني إيه، مفعول مطلق؟

- يعني مصدر من نفس حروف الفعل ذي (وكلم الله موسى تكليماً).

٢. طب هو ليه، أنواع؟

- طبعاً أولها مؤكد للفعل وهو الي بيحي من غيره نعت ولا مضاف إليه بعده (صبر الرجل صبراً) ويمكن

مبين للنوع إذا جه بعده صفة أو مضاف إليه (صبر الرجل صبراً جميلاً) أو (صبر الرجل صبر الجبال)

ويمكن مبين للعدد إذا جه اسم مرة أو مثنى أو جمع (انطلق الرجل انطلاقة) (انطلاقين) (انطلاقات).

٣. طب يعني إيه، لازم يجي نكرة؟

- لا طبعاً ممكن جداً تلاقيه أوله (ال) (انطلق الصاروخ الانطلاق المتوقع).

٤. هو لازم يبقى أول الجملة، فعل من حروفه؟

- لا طبعاً دا ممكن يكون أول الجملة مشتق أو مصدر ذي (لابد من تربية الأبناء تربية صالحة)

(ما مقصر الرجل تقصيراً) ويمكن يجي من غير فعل أصلاً يعني يتعرب مفعول مطلق لفعل محذوف ذي

(خصوصاً - خاصة - عموماً - عامة - البتة - حتماً - مهلاً - ليك - بتاتاً - سبحان - أيضاً) أو أي مصدر منصوب

يبدأ الجملة ذي (صبراً يا ولدي - حمداً لله على سلامتك).

٥- هو فيه، حاجة اسمها نائب عن المفعول المطلق؟

- آه طبعاً ذي :

- **صفة المصدر المحذوف** (اذكروا الله كثيراً)

أصل الجملة (اذكروا الله ذكراً كثيراً) بس المفعول المطلق مشى والصفة نابت عنه.

٦- مش هعرف أفرق بينها وبين الحال؟

- لأ طبعاً يا ذكي رجع المفعول المطلق عشان تفرق (انتظرتك طويلاً) أصلها (انتظاراً طويلاً).

٧- طب إيه ثاني نائب عن المفعول المطلق؟

- مرادفه

فرحت بنجاحك سروراً

- عدده

ركعت لله أربعاً (أربع ركعات)

- الإشارة إليه

أحب الله هذا الحب العظيم

- أدواته

ضربت اللص سكيناً

- هيئته

جلس الرجل القرفصاء

- ما يضاف إليه

كلمات تسبق المفعول المطلق وتخليه مضاف إليه (كل - بعض - اسم تفضيل)

أحب الله كل الحب

- ضمير يعود عليه

أحب أمي حبا لا أحبه لسواها

الهاء اللي في (أحبه) لأنها بتعود على حبا.

٨- طب هي دائماً خصوصاً وخاصة مفعول مطلق؟

- لو جم في آخر الجملة يتعربوا حال (أحب الناس وخصوصاً المخلص) كذا مفعول مطلق واللي بعدهم مفعول به لفعل محذوف تقديره أخص.

- (أحب الناس والمخلص خصوصاً) كذا حال واللي قبلهم حسب موقعه.

- (أحب الناس وبخاصة المخلص) (بخاصة) دي شبه جملة خبر مقدم و(المخلص) مبتدأ مؤخر.

- إضافة عدد الصفة والإشارة وهيئة الأداة والضمير والترادف للحفظ.

المفعول لأجله والمفعول معه

١- يعني إيه مفعول لأجله؟

- هو مصدر منصوب بيعلل اللي قبله ذي (أصلي تقرباً إلى الله) (لا أكذب حفاظاً على كرامتي) تلاقي تقرباً وحفاظاً هو المصدر اللي بيين سبب اللي قبله.

٢- وإيه إعرابه؟

- بقولك منصوب دائماً يعني بيتعرب مفعول لأجله منصوب.

٣- طب بيفرق عن الحال؟

- طبعاً الحال مشتق (اسم فاعل - اسم مفعول وهكذا) والمفعول لأجله مصدر.

٤. طب يعني إي، مفعول معه؛

— اسم يذكر بعد واو بمعنى (مع) ذي (استيقظ الطالب والفجر) أي مع الفجر.

٥. وأعرفه إزاي؛

— تلاقيه بعد (واو) بمعنى (مع) وما يعملش الفعل اللي في أول الجملة (سار الطلاب وسور المدرسة) والسور ما بيمشيش صح.

الاستثناء

١. يعني إي، استثناء؛

— يعني استبعاد جزء من شيء كبير زي (حضر الطلاب إلا المريض).

— أحنا كدا قلنا أن الطلاب كلهم حضروا واستبعدنا المريض.

٢. طب إي، أدوات الاستثناء؛

— إلا — غير — سوى — خلا — عدا — حاشا — ما خلا — ما عدا.

٣. طب بنعرب إلا إي؛

— حرف مبني لا محل له من الإعراب.

٤. يعني المهم إعراب اللي بعدها صح؛

— آه.

٥. طب بيتعرب اللي بعدها إي؛

— حسب نوع الجملة هي تام مثبت ولا تام منفي ولا ناقص منفي.

٦. يعني إي، تام؛

— يعني المستثنى منه موجود في الكلام والمستثنى زيادة على أركان الجملة زي (حضر الوزراء إلا وزيرنا).

٧. يعني إي، مثبت؛

— يعني ما فيش أدوات نفي (ليس — ما — لم — لن — لا — لما).

٨. طب بيتعرب إي، لو الكلام تام مثبت؛

— واجب النصب — مستثنى منصوب.

٩. طب لو تام منفي؛

— يبقى جائر النصب أو إعرابه بدل من المستثنى منه.

١٠. طب لو ناقص منفي؛

— بيتعرب حسب موقعها (ما حضر إلا محمد) — محمد: فاعل مرفوع.

١١. طب غير وسوى؛

— دول بقى بياخدوا إعراب اللي بعدهم ويخلوه مضاف إليه.

١٢. يعني إزاي؛

— (حضر الجميع غير المريض) — غير : تبقى اسم استثناء منصوب والمريض: مضاف إليه مجرور.

- (ولم يحضر الجميع غير الملّزم) — غير: اسم استثناء منصوب أو بدل مرفوع والملّزم: مضاف إليه
- لأن الكلام تام منفي.
- (لم يحضر غير الملّزم) — غير: فاعل مرفوع والملّزم: مضاف إليه.
- ١٣. **طب خلا وعدا وحاشا؟**
- دول بقى فعل ماضي أو حروف جر واللي بعدهم مفعول به أو اسم مجرور حسب شكله.
- ١٤. **طب ما خلال وما عدا؟**
- دول دائماً (ما) مصدرية و(خلا) فعل والفاعل مستتر واللي بعدهم مفعول به.

الحال

١. **يعني إيّه حال؟**
 - هو لفظ ينتقل لبيان هيئة صاحبه.
٢. **يعني إيّه صاحبه؟ وإيّه صورّه؟**
 - يعني الكلمة اللي الحال بيوصفها ويبين هيئتها ويمكن يبقى فاعل أو مفعول به أو اسم مجرور أو مضاف إليه أو مبتدأ ويمكن يبقى الفاعل والمفعول مع بعض صافح الصديق صديقه متعاقين.
٣. **يعني إيّه حال مفردة؟**
 - اسم نكرة مشتق منصوب يبين هيئة صاحبه (أدينا الواجب مخلصين) مخلصين: حال منصوبة.
٤. **يفرق إيّه عن النعت؟**
 - إن الحال دائماً نكرة وصاحب الحال معرفة سواء كان اسم أو ضمير بارز أو مستتر.
٥. **هو فيّه كلمات بتتعرب حال؟**
 - آه (دائماً — قاطبة — خصوصاً — خاصة — جميعاً — معاً — سوياً — أولاً — عاشراً وحده) واللي بعد الاستفهام ذي (مالك متشائماً؟) متشائماً حال.
٦. **أطلع الحال الجملة الاسمية إزاي؟**
 - جملة اسمية تصف معرفة
 - رأيت المجرم (يده مقيدة) ويمكن يجي قبلها واو الحال.
 - رأيت الفلاحة (وعرقه يتزل)
 - ولازم يبقى فيها ضمير يعود على صاحب الحال يسمى الرابط أو العائد ويمكن نعتبر الواو رابط هي والضمير جاء الرجل وهو متعب.
٧. **أطلع الحال الجملة الفعلية إزاي؟**
 - جملة فعلية بتوصف معرفة — (رجع الفائز يبتسم وجهه) ولازم يكون فيها ضمير يعود على صاحب الحال.
٨. **طب والشبّه جملة؟**
 - نفس الكلام شبه جملة ظرف أو جار ومجرور بيوصف المعرفة (وقف الإمام وسط المصلين).
 - المعرفة: وصف الإمام وسط المصلين.
٩. **هو ممكن الحال يتعدد؟**
 - طبعاً مفرد وجملة وشبه جملة.
 - عاد الرجل مرهقاً متعباً، وجهه يفيض أملاً.
١٠. **هو الحال الجملة في محل إيّه؟**
 - في محل نصب دائماً.

الظرف (المفعول فيه)

١. **طوب يعني إي، مفعول فيه؟**
— هو الظرف.
٢. **طوب لي، سموه مفعول فيه؟**
— لأنه بيدل على الزمان أو المكان اللي بيتعمل فيه الفعل.
٣. **بيتعرب إزاي؟**
— منصوب عامة وفيه ظروف بتعرب ظرف مبني في محل نصب منها
(حيث — أمس — إذ — إذا — لدن — الآن — ثم — ثمة — قط — فقط — مذ — منذ — هنا — هناك).
٤. **طوب (مع) ظرف ولا حرف جر؟**
— (مع) ظرف للمصاحبة منصوب وإذا جاءت منونة إعرابها حال.
٥. **هو ممكن الظرف بيتعرب حسب موقعه؟**
— طبعاً لو مادلش على زمان أو مكان حدوث الفعل وكان ركن أساسي في الكلام ذي
— اليوم جميل (اليوم مبتدأ مرفوع) — سيجي اليوم الذي ستفرح فيه (اليوم: فاعل مرفوع)

التمييز

١. **يعني إي، تمييز؟**
— اسم يذكر لتوضيح مبهم قبله (أكلت كيلو لحمًا) لو شكلنا (لحمًا) هتلاقي كيلو مبهم يعني مش محددة.
٢. **طوب المبهم دا أنواعه إي؟**
— دا يا ملحوظ يا ملفوظ.
٣. **يعني إي، ملفوظ؟**
— يعني كلمة مكتوبة في الجملة ودي أنواع.
٤. **طوب أنواع الملفوظ إي؟**
 - وزن — (أكلت كيلو عنباً).
 - مساحة — (زرعت الفدان قمحاً).
 - عدد — (حضر خمسة رجال).
 - كيل — (اشترت إردبا قمحاً).
٥. **هو التمييز دايماً منصوب؟**
— لا تمييز الوزن والكيل والمساحة ممكن يبقى مجرور بالإضافة أو بحرف الجر
(من) (أكلت كيلو عنباً أو عنب أو من عنب) وتمييز العدد ليه أحكام.
٦. **إي، هي أحكام تمييز العدد؟**
 - ١ — العددان واحد واثنين ما همش تمييز.
 - ٢ — من ٣: ١٠ تمييزهم جمع وبيتعرب مضاف إليه.

- ٣- من ١١ : ٩٩ تميزهم مفرد ويتعرب منصوب.
٤- من ١٠٠ : ١٠٠٠ تميزهم مفرد ويتعرب مضاف إليه مجرور.

٧- يعني إي، بقى مميز ملحوظ؟

- يعني يبتفهم من الكلام ذي:
— عظمت مصر هواء فلهواء ميز عظمة مصر
— احترمت الرجل خلقاً فالخلق ميز الناحية اللي أنا احترمتها.
— كسر الزجاج نصفاً فالنصف ميز شكل كسر الزجاج.
— أنا أكبر عمراً منك فالعمر ميز كبرى عليك.

٨- طب أعرفه إزاي؟

- تلاقيه نكرة منصوبة في جملة فعلية أصلها فاعل أو مفعول أو نائب فاعل
(عظم هواء مصر) (احترمت خلق الرجل) (كسر نصف الزجاج).

٩- طب الجملة الأخيرة مش فعلية؟

- دا النكرة المنصوبة اللي بعد التفضيل ودي تيجي في اسمية أو فعلية.

١٠- طب أنا ما بعرفش اكتب العدد؟

- الأول ضبط التمييز حسب اللي خدناه وبعدين بص على التذكير والتأنيث وخلي بالك من إعراب الاثنين (٢) وكل عدد مثنى وخلي بالك من ألفاظ العقود من (٢٠ : ٥٠) عشان بتاخذ إعراب جمع المذكر السالم.

١١- طب التذكير والتأنيث أحكامه إي؟

- (١ — ٢) يوافقان المعدود دائماً (حضر رجل واحد) (جاء أحد عشر رجلاً) (رأيت إحدى وعشرين لوحة)
(حضر فئتان اثنتان) (حضر اثنتا عشرة فتاة) (حضر اثنان وعشرون رجلاً).
(٣ — ٩) تخالف المعدود دائماً (حضر ثلاثة رجال وثلاثة عشر معلماً وثلاث وعشرون معلمة).
(١٠) لو مفردة تخالف المعدود (حضر عشرة رجال) (وحضرت عشر نساء) لو مركبة توافق
(جاء خمسة عشر طالباً وخمس عشرة طالبة).

١٢- طب العدد بيتعرب إزاي؟

- حسب موقعه بعلامات أصلية ضمة وفتحة وكسرة ما عدا (٢) و(١٢) بتتعرب إعراب المثنى وكل عدد مثنى
(مائتان — ألفان — مليونان) وألفاظ العقود من (٢٠ — ٩٠) بعلامات جمع المذكر السالم.

١٣- طب العدد (١١ - ١٩) دول كلمتين بيتعربوا إزاي؟

- (حضر سبعة عشر معلماً). سبعة عشر: فاعل مبني على فتح الجزأين في محل رفع.
— يعني فتحة على سبعة وفتحة على عشرة.
— رأيت تسعة عشر فيلماً تسجيلياً — تسعة عشر: مفعول به مبني على فتح الجزأين في محل نصب.

١٤- طب الـ (١٢)؟

- دي بقى بتتعرب كل كلمة لوحدها يعني (حضر اثنا عشر وزيراً).
— اثنا: فاعل مرفوع وعلامة رفعه الألف لأنه ملحق بالثنى.
— عشر: عدد مبني على الفتح لا محل له من الإعراب.

١٥- طب العدد (٨) بنحذف منه الياء إمتى؟

- لما يكون مذكر مرفوع أو مجرور وما فيش بعده مضاف (حضر ثمان وعشرون امرأة).

الملحقات

١- يعني إيه ملحقات؟

— يعني كلمات ما فيهاش شروط المثني أو الجمع وبتأخذ إعرابه.

٢- طب بتتعرّب إزاي؟

— حسب موقعها.

٣- طب إيه هي الملحقات بالمثنى؟

— (اثنتان واثنتان) (وكلا وكلتا ومعاهم ضمير).

٤- لازم الضمير مع كلا وكلتا؟

— طبعاً ومن غير الضمير بيتعربوا حسب موقعهم بعلامات مقدرة.

٥- والملحق بجمع المذكر السالم إيه هم؟

— (أهلون — بنون — سنون — عالمون — أولو — ذوو — أرضون) (ألفاظ العقود من ٢٠ : ٩٠).

٦- والملحق بجمع المؤنث السالم؟

— نعمات وأي اسم بنت آخره (ات) زيادة.

— عرفات وأي اسم ولد آخره (ات) زيادة.

— منوات وأي اسم مدينة آخره (ات) زيادة.

الجملة التي لها محل من الإعراب

١- يعني جملة لها محل؟

— يعني جملة حلت محل كلمة.

٢- طب إيه هم؟

— جملة الخبر والنعت والحال والقول والمضاف إليه وجواب الشرط والجملة التابعة (توكيد — عطف) لجملة لها محل.

٣- طب إحنا خدنا النعت والحال يعني إيه بقى القول دي؟

— دي الجملة اللي بتيجي بعد الفعل قال: قال الناس: الله أكبر

— جملة (الله أكبر) في محل نصب مفعول به

٤- يعني جملة المضاف إليه؟

— يعني الجملة اللي بتقع بعد ظرف. (اتجه إلى الله حيث لا مفر من لقائه) جملة (لا مفر من لقائه) في محل جر مضاف إليه.

٥- يعني إيه جواب شرط لأداة جازمة؟

— الأدوات الجازمة (إن — من — ما — مهما — متى — أيان — حيشما — أينما — أي — كيفما — أي) جواب الشرط

بتأخذها المقترن بالفاء.

— (من يتق الله فالنجاح حليفه)

— جملة فالنجاح حليفه في محل جزم.

٦. طب لو مش مقترنة بالفاء؟

— تبقى لا محل لها من الإعراب.

٧. طب لو الأداة غير جازمة؟

— مقترنة بالفاء أو مش مقترنة لا محل لها من الإعراب.

٨. طب إيه الأدوات غير الجازمة؟

— إذا — لو — لولا — كوما — كلما — لما.

٩. طب يعني إيه جملة تابعة؟

— جملة تأكيد لفظي (الله يرحم العباد يرحم العباد).

— أو معطوفة (الله يرحم العباد ويحتاجون إليه).

على جملة لها محل من الإعراب:

— فجملة (يرحم العباد) في محل رفع تأكيد لفظي لجملة الخبر.

— وجملة (يحتاجون إليه) في محل رفع معطوفة على جملة الخبر.

١٠. طب يعني إيه جملة ليس لها محل؟

— يعني جملة مستقلة ما وقعتش مكان كلمة.

١١. أعرفهم إزاي الجمل التي ليس لها محل؟

— جملة ابتدائية وجملة الصلة وجملة جواب القسم.

— والجملة المفسرة وجملة جواب شرط لأداة جازمة غير مقترنة بالفاء أو جواب شرط لأداة غير جازمة.

١٢. يعني إيه ابتدائية؟

— أول جملة في القطعة.

١٣. يعني إيه جملة الصلة؟

— خدناها قبل كده دي اللي بيتيجي بعد (الذي — التي — اللذان — اللاتن — الذين — اللاتي — اللاتي — من — ما)

١٤. يعني إيه جواب القسم؟

— الجملة اللي بنحلف عليها والله (لينتصرون الحق) جملة لينتصرون الحق.

١٥. يعني إيه جملة مفسرة؟

— جملة بتشرح المقصود من اللي قبلها (نظرت له) أي (أنت مذنب).

جملة أنت مذنب:

— وخلي بالك الجملة المعطوفة أو التوكيد لجملة ليس لها محل.

— وخلي بالك جملة النداء ابتدائية واللي بعد النداء كمان.

بس يا سيدي ذاكرهم كويس بقى

بناء الأفعال

١. الماضي بيتعرب إزاي؟

— الفعل الماضي دائماً مبني.

٢- يبني على إي؟

- أ — يبني على السكون إذا اتصل به (ت) الفاعل و(نا) الفاعلين و(ن) النسوة (سمعت — سمعنا — سمعن)
ب — يبني على الضم إذا اتصل به واو الجماعة (سمعوا).
ج — يبني على الفتح إذا لم يتصل به شيء أو اتصل به ألف الاثنين (سمع — سمعا) أو (نا) المفعولين (سمعنا).

٣- طب الأمر؟

— برضه الأمر دائماً مبني.

٤- يبني على إي؟

- أ — على السكون إذا كان صحيح الآخر (اعمل) أو معتل الآخر واتصل به (ن) النسوة (ادعون).
ب — يبني على حذف حرف العلة إذا كان معتل الآخر (ادع — اجر — اسع)
ج — يبني على حذف النون إذا اتصل به واو الجماعة أو ألف الاثنين أو (ي) المخاطبة (اسمعوا — اسمعا — اسمعي).
د — يبني على الفتح إذا اتصل به (ن) التوكيد (اسمعن).

٥- طب المضارع إمتى مبني؟

- يبني على السكون إذا اتصل به (ن) النسوة. (النساء يسمعن القرآن).
— يبني على الفتح إذا اتصل به (ن) التوكيد.

٦- طب لو ما فيش نون؟

— يبقى معرب يعني (مرفوع أو منصوب أو مجزوم).

الأفعال

١- إمتى بيتنصب المضارع؟

— إذا سبقه أداة نصب (أن — لن — كي — حتى — (ل) التعليل — فاء السببية — (ل) الجحود — واو المعية — إذن).

٨- إي (ل) الجحود دي؟

— حرف يدخل لتوكيد النفي وشرطها إنها تقع في خبر كان المنفية (ما كان الحق ليضيع) ولو ما جتش في خبر كان بتبقى (ل) تعليل.

٩- وإيه فاء السببية دي؟

— قبلها سبب وبعديها نتيجة وتسبق بنفي أو طلب والطلب يعني أمر وهي واستفهام وتمني وترجي وعرض وحض.

١٠- وإيه واو المعية دي؟

— واو بمعنى (مع) وتسبق بنفي أو طلب.

١١- طب إفرض الفعل مبني ومنصوب في نفس الوقت؟

— قصدك ذي النساء لن يهملن.

— بنقول مضارع مبني على السكون في محل نصب.

١٢- طب إمتى المضارع بيتجزم؟

الجزم يا سيدي في ثلاث أسباب:

أ — أدوات تجزم فعل واحد لم ولما و(ل) الأمر ولا الناهية.

ب — أدوات تجزم فعلين أدوات الشرط الجازمة (إن — من — ما — مهما — متى — أينما — حيثما — أنى — كيفما — أي — أيان).

ج — جزم المضارع في جواب الطلب.

١٣- إيه (لما) دي؟

— دي أداة نفي للماضي والحاضر (لما يحضر الرجل). يعني لسه مجاش لحد دلوقتي.

١٤- يعني إيه أسلوب شرط؟

— يعني حاجة مشروطة بحاجة (من يتق الله يجعل له مخرجاً).

١٥- طب إمتى الجواب بيقترن بالفاء؟

— لما بيبقى حالة من الستة:

— اسمية — طلبية — وبجاءد — وما — ولن — وبقد — وبالتسويق

١٦- يعني إيه جامد؟

— يعني بيحي ماضي بس (نعم — بئس — حبذا — عسى — حوى — اخلولق — ليس).

١٧- ويعني إيه تسويق؟

— يعني استقبال وحروفه (س — سوف).

١٨- طب الفاء دي اسمها إيه؟ وعملها إيه؟

— اسمها فاء الجزاء وما بتعملش حاجة واللي بعديها بيتعرب حسب موقعه كأنه جملة جديدة والجملة كلها في محل جزم طالما الأداة جازمة.

١٩- إيه الأدوات غير الجازمة؟

— إذا — لو — لولا — لوما — كلما — لما.

٢٠- إيه الفرق بين (لما) اللي بيتجزم واللي ما بتجزمش؟

— لما اللي بيتجزم بمعنى (لسه). — لما اللي ما بتجزمش بمعنى عندما.

٢١- يعني الفاء بتيحي مع الجواب في الأدوات الجازمة وغير الجازمة؟

— آه.

٢٢- إيه علامات نصب المضارع؟

— الفتحة — سواء ظاهرة أو مقدرة على الألف (يحي).

— حذف النون إذا كان الفعل من الأفعال الخمسة.

٢٣- إيه علامات الجزم؟

- السكون إذا كان الفعل صحيح الآخر (يكن — يدرك).
- حذف حرف العلة إذا كان الفعل معتل الآخر (يدع — يحجر).
- حذف النون إذا كان الفعل من الأفعال الخمسة.

٢٤- احنا ليه حذفنا الواو من (يكن)؟

- لعدم التقاء ساكنين.

٢٥- طب لو الواو مش ساكنة؟

- ما تتحذفش ذي (يتعود — يتعاون).

٢٦- والياء زيتها؟

- آه ذي (يتغير — يتباين).

٢٧- إيه الأفعال الخمسة دي؟

- كل فعل مضارع اتصل به ألف الاثنين أو واو الجماعة أو ياء المخاطبة (يسمعون — تسمعون — يسمعان — تسمعان — تسمعين).

٢٨- بتتغرب إزاي؟

- ترفع بثبوت النون تنصب وتجرم بحذف النون (ودي علامات فرعية).

توكيد الفعل بالنون

١- يعني إيه (ن) التوكيد؟

- ◀ (ن) بتتخط في آخر الفعل لتوكيد معناه.

٢- إيه حكم التوكيد للفعل الماضى؟

- ◀ الماضى ممتنع التوكيد بالنون عشان بيتأكد بقدر أو لقد.

٣- طب الأمر؟

- ◀ الأمر جائز التوكيد بالنون (اسمع — اسمعن) (ادع — ادعون) (أجر — أجرين).

٤- أنا ملاحظ إن احنا بنرجع حرف العلة المحذوف قبل ما نخط النون؟

- ◀ صح نرجع حرف العلة من الوسط أو الآخر.

٥- طب المضارع؟

- ◀ أحياناً واجب أو جائز أو ممتنع.

٦- إمتى واجب؟

- ◀ لما يقع في جواب قسم ويكون مثبت ويتصل بلام القسم مباشرة ويكون مثبت (والله ليعودن الحق).

٧- إمتى جائز؟

- ◀ إذا سبق بطلب.

٨- يعني إي، طلب؟

◀ أمر — في — استفهام — تني — ترحي — عرض — تخفيض.

٩- إي، أداة العرض؟ والحض؟

◀ العرض ألا والحض هلاً

١٠- طب إمتى ممتنع؟

◀ لما يبقى بدون قسم أو طلب (يتقي الله المؤمن) (لا يتقي إلا المؤمن)
(والله لسوف يفوز المؤمن) (والله ليفوزن المؤمن الآن)

١١- الفعل بالنون بيتعرب إزاي؟

◀ يبقى مبني على الفتح.

تأنيث الفعل مع الفاعل ونائبه

١- إمتى الفعل يتأنيث؟

◀ لما يكون الفاعل أو نائبه مؤنث.

٢- إمتى واجب؟

◀ لما يكون الفاعل مؤنث حقيقي التأنيث متصل بالفعل (جاءت الأم).
◀ ولما يكون الفاعل ضمير مستتر يعود على مؤنث حقيقي أو مجازي (الأم جاءت — المدرسة خرجت).

٣- إمتى جائز؟

◀ لما يكون الفاعل مؤنث مجازي التأنيث (خرجت المدرسة) أو الفاعل مؤنث حقيقي منفصل عن الفعل (جاءت من العمل مبكرة الأم) أو الفاعل جمع تكسير (جاءت الجنود).

٤- إمتى ممتنع؟

◀ لما يكون الفاعل مذكر طبعاً.

أسماء الأفعال

١- يعني إي، اسم فعل؟

◀ كلمة تحمل معنى الفعل ولا تقبل علامات.

٢- طب لي، أنواع؟

◀ آه ماضي ومضارع وأمر ذي الفعل بالضبط.

٣- طب إي، اسم الفعل الماضي؟

◀ هيهات (بعد) شتان (افترق) سرعان (أسرع).

٤- طب إي، اسم الفاعل المضارع؟

◀ (وي) أعجب (آه) أتألم أتوجع. ◀ (واهاً) أتشوق (أف) أغضب قط (يكفي). ◀ (حسب) يكفي.

٥. طب والأمر؟

- السماعي (حي) أقبل (صه) اصمت.
- تعال (أقبل) (هات) أحضر (إيه) زد.
- مه (كف) بله (اترك) (آمين) استجب.
- والقياسي على وزن فعال والمنقول عليك إليك دونك أمام رويداً.

٦. طب بيتعرب إزاي؟ واللي بعده؟

- مبني دائماً واللي بعده فاعل أو مفعول حسب المعنى.
- هيئات النجاح للمهمل.
- النجاح: فاعل مرفوع.
- عليك الصلاة في وقتها.
- الصلاة: مفعول به منصوب.

٧. طب يعني إيه منقول؟

- يعني أصله جار ومجرور أو ظرف أو مصدر واستخدمناه بمعنى الأمر.
- (الصلاة واجب عليك) دا جار ومجرور.
- (عليك الصلاة في وقتها) اسم فعل بمعنى إلزم.

٨. طب يعني إيه قياسي؟

- يقاس الأمر على وزن فعال من الثلاثي فقط (سمع - سماع) (قتل - قتال) (حذر - حذار).

(كم)

١. كم الاستفهامية، إيه هي؟

- اسم يدل على سؤال أداة استفهام يعني.

٢. بعرفها إزاي؟

- تمييزها مفرد منصوب دائماً ويمكن يجي قبلها حرف جر أو ظرف وساعتها يمكن تعرب تمييزها منصوب أو مجرور بالإضافة.

٣. زي إيه؟

- كم عاملاً في المصنع؟
- إلى كم دولة سافرت؟
- عاملاً تمييز منصوب.
- دولة تميز أو مضاف إليه.

٤. طب وكم خبرية؟

- اسم يدل على الكثرة.

٥. طب وأعرفها إزاي؟

- تمييزها مفرد أو جمع ويتعرب مضاف إليه ويمكن يجي بعدها حرف الجر من:
- كم رجل يحمل المسؤولية.
- كم رجال يحملون المهموم.
- كم من رجال يعانون.

٦. طب لو جـ، بعديها فعل؟

- (كم تشتكي) بتبقى خبرية وتمييزها محذوف.

حروف الجر

١. يعني إيه حرف جر أصلي؟

— يعني له معنى ولا يمكن الاستغناء عنه (من — إلى — في — عن — على — ك — ل — ب — خلا — عدا —
حاشا — منذ — حتى) (و — ب — ت) حروف القسم.

٢- يعني إي، حرف جر زائد؟ وإيه، هم؟

— ليس له معنى ويمكن الاستغناء عنه وهم (ك ، ب — من).

٣- إمتى (ك) تزداد؟

— قبل كلمة مثل (الطالب كمثل الابن — ليس كمثل شيء) مثل: خبر ليس منصوب محلاً مجرور لفظاً.

٤- إمتى (من) تزداد؟

— لما يكون قبلها نفي أو استفهام وبعدها نكرة
— ما من أحد ينكر دور الأم
— هل جاء من وزير؟
أحد : مبتدأ مرفوع محلاً مجرور لفظاً.
وزير : فاعل مرفوع محلاً مجرور لفظاً.

٥- امتى (ب) تزداد؟

— تزداد في مواضع مشهورة منها :
— خبر ليس ليس النجاح بصعب
— فاعل كفى كفى بالله وكياً
— خبر ما خبر ما
— فاعل التعجب فاعل التعجب
ما ربك بظلام
أروع بمصر

٦- يعني إي، حرف جر شبيه، بالزائد؟ وإيه، هو؟

— له معنى ويمكن الاستغناء عنه — وهو (رب)

٧- يعني إي، رب؟

(رب) تعني القلة أو الكثرة
— رب أخ لك لم تلده أمك.
— رب كاسية في الدنيا عارية يوم القيامة
القلة
الكثرة

٨- واللي بعد رب بيتعرب إي؟

— مبتدأ مرفوع محلاً مجرور لفظاً.

٩- وهل رب ممكن تتحذف؟

— تتحذف ونسب مكانها واو اسمها واو رب (وليل كموج البحر) ليل: مبتدأ مرفوع محلاً مجرور لفظاً.

المنادى

١- يعني إي، منادى؟

— اسم يسبق بأداة نداء للإقبال والانتباه.

٢- وإيه، هي أدوات النداء؟

— (أ — أي) للقريب (أيا — هيا) للبعيد.
— (يا) للقريب والبعيد.

٣- طب بيتعرب إزاي؟

— المنادى حسب نوعه فهي أنواع منصوبة ونوعان مبني في محل نصب.

٤- إي، الأنواع المنصوبة؟

المضاف: يا طالب العلم، انتبه
الشبيه بالمضاف: يا طالبا للعلم انتبه

النكرة غير المقصودة: يا مؤدياً واجبك نشكرك جميعاً
يا طالباً، تمسك بالأمل.

٥- يعني إيه شبيه، بالمضاف؟ والمضاف؟ والنكرة غير المقصودة؟

- الشبيه بالمضاف : يعني يبجي بعديه حاجة بتكمل معناه ذي معموله أو شبه جملة.
- المضاف : هو اللي يبجي بعديه مضاف إليه.
- النكرة غير المقصودة : كلمة نكرة واحدة ومش قصدنا بيها حد معين.

٦- طب والمبني؟

- العلم المفرد : العلم المكون من اسم واحد محمد أحمد مصر يا مصر يا محمد.
- النكرة المقصودة : نكرة نقصد بيها حد معين (يا طالب هات واجبك)

٧- بيتعرب إزاي؟

- دا مبني على ما يرفع به في محل نصب.

٨- يعني إيه؟

- يا محمد : منادى مبني على الضم في محل نصب.

٩- طب أفرق بين النكرة غير المقصودة والمقصودة إزاي؟

- المقصودة : شكلها مرفوع (يا طالب) (يا رجلان) (يا مصريون).
- غير المقصودة : دائماً منصوبة (يا طالباً) (يا رجلين) (يا مصريين).

١٠- طب الاسم المعرف بـ (ال) نناديه، إزاي؟

- باستخدام (أيها — أيتها) أو اسم إشارة مناسب.
- يا أيها الرجل — يا هذا الرجل — يا أيتها الفتاة — يا هؤلاء الفتيات

١١- طب بيتعربوا إزاي؟

- يا أيها الرجل:
- أي : منادي مبني على الضم في محل نصب (نكرة مقصودة).
- ها : حرف تنبيه.
- الرجل : بدل (نعت) مرفوع.

- يا هذا الرجل:
- هذا : اسم إشارة مبني على الضم المقدر في محل نصب.
- الرجل : نعت مرفوع.

١٢- طب لفظ الجلالة؟

- بتنادي بدون واسطة (يا الله).
- ولو حذفنا أداة النداء (اللهم) (الميم) عوضاً عن أداة النداء.

١٣- يعني إيه ندبة؟

- نداء الحزين بأداة النداء (وا) (والإسلاماه) إسلاماه: مندوب منصوب وعلامة نصبه الفتحة.

١٤- يعني إيه استغاثة؟

- نداء المهلوف باستخدام (يا) يا الله للمريض.
- الله : مستغاث به منادى مجرور باللام وعلامة جره الكسرة.
- للمريض : اسم مجرور.

١٥- يعني إيه نداء تعجبي؟

- استخدام أداة النداء (يا) للتعجب. — يا روعة مصر روعة: متعجب منه منصوب.

روعة: متعجب منه مجرور.

يا لروعة مصر

١٦- يعني إيه ترخيم؟

— يعني دلع بحذف الحرف الأخير بدلاً من (يا فاطمة) نقول (يا فاطم) منادى مبني على الضم في محل نصب.

الأدوات

١- إيه أنواع لا؟

- | | | |
|-----------------|---------------|---|
| أ — نافية | (لا تؤثر) | المسلم لا يخون |
| ب — ناهية | (تجزم) | لا تكن ضعيفاً |
| ج — عاطفة | (حرف عطف) | قبله إثبات أو أمر |
| د — نافية للجنس | (تعمل عمل إن) | المؤمن قوى لا ضعيف — انظر للمستقبل لا الماضي. |
| | | لا عامل مقصر. |

٢- إيه أنواع من؟

- | | | |
|---------------|-----------------------------|--------------------------|
| أ — اسم موصول | أحب من يقولون الصدق | — أي الذين يقولون الصدق. |
| ب — استفهامية | من قتل عمر بن الخطاب؟ | |
| ج — شرطية | من يتق الله يجعل له مخرجاً. | |

٣- إيه أنواع ما؟

- | | | |
|-----------------|--|-------------------|
| أ — (ما) موصولة | أكلت ما وضعته أمي أمامي | |
| ب — استفهامية | ما اسمك؟ | |
| ج — شرطية | ما تقدم من معروف يوف إليك. | |
| د — نافية | ما رجع حقك إلا بالدفاع عنه. | |
| هـ — تعجبية | ما أروع الصدق | |
| و — مصدرية | يسرني ما قال الناس الصدق (شيلها وحت مصدر صريح (قول). | |
| ز — زائدة | (بدون معنى يعني) | |
| | — كافة: إنما | ربما |
| | — كافة: إنما | طالما قلما كثيراً |
| | — غير كافة: ذهبت إليه دوغماً فائدة. | |

٤- يعني إيه (كافة) وأعرفها إزاي؟

- | | |
|--|---|
| — يعني بتبطل عمل اللي قبلها ودي عندنا في المنهج في تلت مواضع | |
| أ — بعد إن وأخواتها | (ما عدا ليت يجوز فاكراً) |
| ب — بعد رب | بتخليها ما تجرش اللي بعدها |
| ج — بعد قل — كثر — طال | ربما النجاح حليفك |
| قلما المهمل ينجح | النجاح: مبتدأ |
| | بتخليهم بدون فاعل |
| | قل: فعل ماضي بدون فاعل عشان (ما) دخلت عليه. |

الممنوع من الصرف

١- يعني إيه اسم ممنوع من الصرف؟

— يعني ما بيتنوش عمرك شفت إبراهيم مثلاً منونة.

٢- يعني إمتى بقى يتمنع؟

— دي حالات معينة للاسم والصفة والعلم.

٣- إيه حالات العلم؟

أ — أعجمي	(مش عربي)	جورج	ما عدا الثلاثي ساكن الوسط نوح
ب — مركب	(تركيب مزجي)	بور سعيد	(عبد الله لأ)
ج — مزيد بـ (أن)	حمدان — صفوان — عثمان		
د — على وزن الفعل	أحمد يزيد		
هـ — على وزن فعل	عُمر		
ز — مؤنث	فاطمة — سعاد		
ولو كان ثلاثي ساكن الوسط — يجوز تنوينه	مصر — هند		

٤- إيه حالات الصفة؟

أ — صفة على وزن أفعل	أحمق — أبعد	ب — صفة على وزن فعالان	ظم — آن —
غضبان			
ج — صفة على وزن فُعْل	آخر	د — صفة للعدد على وزنين مفعّل وفعل	مثنى
وثلاث			

٥- إيه حالات الاسم؟

- أ — اسم منتهي بألف تأنيث (ممدودة) يعني ممدود همزته زائدة مش أصلية ولا منقلبة (صحراء).
- ب — اسم منتهي بألف تأنيث مقصورة (زائدة) (كبرى — صغرى — عليا).
- ج — صيغة منتهى الجموع أي جمع تكسير وسطه ألف بعده حرفان أو ثلاثة وسطهم ساكن (مساجد — مصاييح).

٦- بيتعرب إزاي الممنوع من الصرف؟

— بيتعرب حسب موقعه في الجملة ويرفع بالضممة وينصب بالفتحة ويجر بالكسرة أو الفتحة.

٧- إمتى بالفتحة دي غريبة؟

- لما يكون بدون (ال) وليس بعده مضاف إليه (صليت في مساجد كثيرة).
- مساجد : اسم مجرور وعلامة جره الفتحة.

٨- يعني لو فيه (ال) أو بعده مضاف إليه يجر بالكسرة عادي؟

آه	صليت في المساجد	مجرور بالكسرة	—	صليت في مساجد الله
				مجرور بالكسرة